

IMBEPO INSONGI

♪ Mugonile, binangu. Sangalwike ukuya apa ulubunju ulu, kangi tumenye ukuti ukubabona mwesa umwe panja, tukwitika ukuti u Ntwa ali na uswe umwisyugu, ikutupa uswe akasyungulu kamo akanini, ukuti ukwene kutisakuyaga kupyano fiyo nkati nkipanga kububombelo bwa lubunju. Kangi lilino uswe...

2 Une ngiwtika, ngimba balipo abana... Ngimba abana basatisigwe ukubuka ku makalasi gabu, Nkundwe Neville? Une numbwene yumo umwiniti unnini, kangi une naswigaga itolo linga abene baasatile amakalasi ukugomokela mu gabu-gabu amabuyo agangi, ukwingila nkyumba kyabo kya sukulu ya Pandungu.

3 Lilino, nyiputilaga une. Une ndinalyo ilinogono ilikulumba une nabagile ukutendeka nkilo kyammayolo, kangi une ngufimbilisigwa ukutendeka ilyene umwisyugu. Kangi unko ikipanga kiputege. Une ndinalo u—une ndinalo u lukomano lukwisapo ukukonga, luli palapala pa lukindi lwa Kyakukinga Kyakisulu mu Germany, kangi popapo ikyene kyo kindu kyakuseeka panini. Kangi nyiputilaga une. Kangi popapo, ikyene kyo, uswe tubagile ukwanda palapala itolo nkati kila ikistadia ikinywamu kya kriketi mu Germany, iki Hitler atendike itolo bo bukaali ubwite, ubununnu ubuyo ubunywamu, bikwitugasya abandu maefifu lwele. Kangi uswe tubagile ukuya nalo ulwene ku kilo kalongo, ukatalula. Kangi popapo uswe tukusubila ukwandako nkati mula nakalinga itolo, kangi polelo ukukilania ku La Salle Lorraine, France, ukukonga, polelo ku Berlin, ukugomokela... Une ngusanusya, Berlin pala na—na France.

4 Polelo uswe tukugomokela, u Ntwa itikisyeyege, mu lukomano-ulukulumba mu Chicago. Lukwanda, une ngwinogona, ilyabuhano, ilyantandatu, ilyabuhano-na-mabili, ilyalwele, kangi ilyabuhano-na-mana, kyo kiyabo kyangu mu Chocago, ikyu lukomano-lukulumba ku—ku kipanga kya kiSwedeshi. Kangi polelo abene bali, Tata. Boze, bambo mwa umwe ukufuma ukusyungutila Chicago, abene bali nu lukomano-ulukulumba ulu lwisaga ukuyako ulu ulukonge... ukwanda lyakwanda lya Ogasiti, pamo lyakwanda lya Seputambala, ulwene luli, mu Sweden. Kangi une nsangalwike fiyo ukumanya ukuti ulusalo lwabo kuli une, ukwisako, kangi lwali losa kangi mia-kwamia. Une naali nsagaluke isya kila, loli une ngufimbilisigwa lumo ukubuka kula pamo pasi apa lilino. Umwe iputa ukuti u Ntwa isakundongosya une itolo katikati u buyo kuko imyoyo mingi-fiyo gisakupokigwaga, kangi ifinunu-ukukinda fisakubombigwa kuli Kitangalala kya Kyala. Lilino, abene

bikuyaga nu lukomano-ulukulumba pamwanya pala, kangi—kangi abene mu Sweden, kangi umwene aayobile uswe tukuyaga na malongo-mabili-na-mahano, malomgo-matatu-na-mahano maelifu ga bandu ukwanda nabo, ku lukomano-ulukulumba, kangi bingi ba abene bandu basitakupokigwa.

⁵ Kangi polelo ukusuluka apa mu Germany, mulimosa, abene bali nayo istadia iyi yikutugasya maelifu lwele. Ena, uswe, mu Switzerland kuko uswe itolo twasokileko, uswe twali nu lukomano ulununu kula, kangi bingi ba umwe lumo mukapilikamo siku mpaka na lino. U Ntwa aatusayile uswe namaka, twali na bapinduki maelifu malongo-mahano mu kila ihano, ku—ku—ku Zurich, Switzerland.

⁶ Kangi popapo, Nkundwe Jack Shuler, mwe bingi ba umwe mumenyе umwene, umwene gwa kiMethodisti, undumiana gwa unkangale Bob Shuler. Abene bali mu Belfast lilino, kangi—kangi abene bikuyoba abene bikusyumbutusya itolo ubuyo bula pamwanya ukuya pasi, ukukilania kula, panongwa ya Nongwainunu, kangi mope mbukulumbapo ukukinda iki Billy Graham alinakyo mu lukomano lwake. Jack yo mwinitu unnini unnunu fiyo, uswile nu lusasanio nu lugano. Kangi umwene—umwene itolo gwanaloli-ndumbula fiyo ku kyene mpaka une ngwitika umwene yo mbombi unkulumba gwa Ntwa. Kangi iputilaga Nkundwe Shuler. Kangi—kangi yo Jack Shuler, kangi Jack MacArthur yope ali nayo umwene. Nkundwe Jack MacArthur yo ndumbilili unkulumba, yope. Kangi kula balinabo abandu-bakipanga bayobile ulwene lo lusasanio ulukulumba—ukukinda ulu lutikilemo siku Ireland. Popapo uswe tuli fiyo... Buka ku lwiputo ilisiku lyosa kuli bala—kuli bala abanyambala. Abene babili-bosa bo banyambala abakeke, pasi, kifuki malongo mana, une ngusakikisyा, pamo bakekepo, ifikolo na fyosa bo ifyo, kangi banunu bakafu bamanyisi ba Nongwainunu, kangi uswe tukubagana abene.

⁷ Kangi lilino, une—une ngusuma ukuti umwe mutisakunyibwa une, ukuti—ukuti Kyala isakunyitikisyा une ukutendeka ilinogono lyakatalusya lululu lilino. Tulipo utubalilo kuko ugwe utikumanya yo njila nki ukusanukila. Ngimba umwe mufikelemo siku amabuyo gala? Une ngusubila Pauli afikilemo mbuyo bula akabalilo kamo, bule umwene? Ikyene kyaali pakati pa ifinyisigwe ibili. Kangi akabalilo kako umwene akilaniaga kula, fiki, umwene alinkumbona u Gwandumi mu mboniboni uyu alimbulile umwene, “Isaga kilaniaga ukubuka ku Macedonia.” Popapo u Ntwa akaali ali nayo u Gwandumi Gwake, bule Umwene? Linga une mbagile itolo ukuya gwakwiysisa mu ndumbula yangu ukufwana ni kyene mumo Pauli ayilile.

⁸ Kangi lilino, ikilo iki, kumbukilaga imbomelo sya Nongwainunu apa pa kipanga, aligwesa isaga panja. Umwe ukusyungutila Louisville, une nguyobaga ku Kipanga kya

Kifigo Kiguuke, ikilo iki, ku sala ibili, pa sala ihano-na-ibili-na-sinda mpaka lwele-na-yimo-na-sinda, kwa Nkundwe Cauble. Une nayaga pakwisa kabili kuno. Kangi polelo umwene yo nnyambala nnunu fiyo, kangi umwene ālingolile pala. Kangi Nkundwe Cauble, umwene yo mundu unnunu fiyo, nkundwe. Umwe, une nsisimikisyé umwe mumenye, u nkundwe unnunu fiyo, kangi itolo ndinkutoligwa kifuki ukunkana umwene bo lula. Iputa. Pamwanya pa fyosa ifindu, iputa, kangi iputa ukuti Kyala isakutupaga uswe i—i linogono lyakatalusya ukutendeka.

⁹ Lilino, bo tukali ukwanda i Ndumi ya Nongwainunu, uswe tuli nu lubunju lumo uswe tukuyaga pa kusaya abana abanini. Kangi une ndinagwe umwinitu unnini apa ukusaya, yope, kwa Ntwa. Lilino, utubalilo twingi mu fipanga fingi . . .

Ngimba mubagile ukupilika kanunu losa, kubutali kunyuma? Linga umwe mubagile, ngimba ikyene kili kanunu losa? Ifyakupila ifi apa, une itolo, ugwe ukabagile ukwipilika gwimwene. Umma, ikyo, ikyo kyo kyosa kanunu. Une ngutila une nisakupyutigwaga kisita ikyene.

¹⁰ Popapo a—a bana banini, utubalilo tumo abene bikubanyafila abene, mfipanga, akabalilo kako abene bali bana banini banandi bammaboko. Kangi, ena, ikyo kikwisaga ukufuma ku kipanga kya Katolika, ukwisila mu kunosya abana abanini, pamo “ukubosya,” bo mumo abene bikubilikila abene akabalilo kako abene bo itolo banini binutu. Ikipanga kya Methodist kyakitwele ikyene panja, ikyo losyo lwa bammaboko, kangi fingi, kangi une ngwinogona fifingi ukongelelapo. Une ngwinogona ubo bo bukindane pakati pa Nazarene na ba banjila-syaiyolo ba Methodisti, lwali losyo lwa bammaboko, kangi polelo ukusopokako kunini na fyosa bo ifyo. Loli, kali yo njila nki, ikyene kitikubomba, une ngwinogona ikyene kikaya ni mbombo fiyo mma. Panongwa yakuti, pôpe, une ngwinogona Kalivari ākiyobile ikindu kila mosa, palapala pala, ku kyosa kya ikyene, uko ko kutalusya, 'nongwa yakuti Yeso āfwile pala ukupoka abana abanini kangi ukupoka ikisu.

¹¹ Kangi akana akanini, kali akene kali nu luko luko lwa mpapi akene kali nagwe, kali ntulwanongwa bulebule, ikyo kikabagila ukupela ubukindane bulibosa, namanga i Lilopa lya Yeso Kristi likunsuka umwene, muketile, kangi uyu yo Kang'osi gwa Kyala uyu ikwega ukusosyapo ubutulwanongwa bwa kisu. U mwanike yula akabagila ukupinduka. Akene kakamanya akapindukilo. Akene kakaya ni nongwa ya kuyila apa mma, mwa bwake kene. Akene kakabagila ukukubula ugwe nongwa ya fiki akene kali apa. Loli Kyala ākatumile akene kuno, kangi i Lilopa lya Yeso Kristi likukasuka akene akabalilo kalakala aka akene kakwisa nkisu. Kangi ukwene ko mpaka ubwene bo bukusi bwalwamulilo, polelo akene kakumanya ubutalusye kangi ubusobi, kangi polelo iki akene kakubomba akene kakufimbilisigwa ukupinduka panongwa ya

iki akene kakumanya ukuti akene kabombile ubusobi. Uko ko kutalusya. Popapo, bamo mwa bene bikubanyafila abene, kangi bikwinogona abene batikubuka ku Mwanya.

¹² Kangi kilipo i kimanyisyo iki kikuyoba linga ugammaboko apapigwe mwa bapapi baMbepo Mikwemo, mulimosa, ugammaboko yula isakubuka ku Mwanya; loli linga akene kakaya mma, kikayako nakimo kangi mma ku kene, ugammaboko yula itolo yo nayumo kangi mma. Ikyo kyo naloli busobi. Bo bukindane buki ikyene kikupela kali akene ko bapapi baMbepo Mwikemo? Ikyene kyo kyosa kinyonywo kyakugonana, kangi u gwammaboko ikupapigwa injila yilayila. Polelo, ikyene kyo kyosa “twaabumbigwe mbutulanongwa, ukubumbigwa sambi, ukwisa nkisu iki tukuyoba ubusyobi.” Ikyo, ikyo kyo buyobelio Bwammasimbo bwa ikyene.

¹³ Popapo, kangi polelo i Lilopa lya Yeso Krisiti likusuka nukupela uluhombo kuli umwanike yula. Linga akene kakufwa, umwene abagile ukubuka nubupelelesye mulamula mu Kuyapo kwa Kyala, linga akene kapapigwe ukufuma mu bapapi abambibi ukukinda-bosa nkisu kya pasi, mpaka akene kali pa ngulilo ya bulongigwe papo akene kakukumanya ubutalusyo kangi ubusobi. Kangi polelo iki akene kakubomba, ukufuma pala, akene kakufimbilisigwa ukuswegwa panongwa ya ikyo. Akene kakufimbilisigwa ukusuma ubupinduko bwake bwene ukufuma pala ukubuka nkyeni. Loli akabalilo kosa akene ko kammaboko...

¹⁴ Lilino, mumo uswe tukugelela ukukongesya, apa pa kipanga. Bo bwene ubuyo nkisu kya pasi kuko une ngubuka, une ngulumbilila i Kimanyisyo, pa apa pa kipanga, panongwa yakuti iki kyo kipanga kyitu. Kangi uswe tukulumbilila i Kimanyisyo apa ubakyunga abandu bayege mbugolofu. Abanyambala bangi, mfipanga fyabo, abene bikulumbilila kilikyosa abene bikwitika. Kangi abene bo bakundwe bangu, kangi uswe tubagile ukuya bakukindana panini panandi, loli uswe pope tuli bakundwe itolo mulamula. Kangi, loli apa mu kipanga, uswe tukulumbilila iki uswe tukwinogona kyo Kimanyisya Kyammasimbo. Kangi, nkati muno, uswe tukuketa ku lusayo lwa bana, iki uswe tukukibilikila lusayilo, akabalilo kene mu li Bangeli aka uswe tubagile ukukagania, pamo kuko mu Lwitikano Ulupya kuko abana banini balimo siku bali nakyo kalikosa akakubomba, pamo Kristi alinako kalikosa akakubomba mu kyene mu lusekelo, bwali, Umwene abapimbaga abene mu ngongi Syake kangi alaga amaboko Gake pa bene nu kubasaya abene, kangi alinkuti, “Bitikisyaga abana abanini ukwisa kwa Une. Komma ukukanisya abene, kabuno bo aba bo Kitangala kya Kyala.”

¹⁵ Lilino, uswe tulekigwe, bo mumo uswe tukupilikisilya, ukukindikila pa mbombo iyi Umwene alisile u—u kufwanikisya. Ubufwe Bwake pa Kalivari, Umwene ali na uswe kangi Umwene abukile ukufuma... isile ukufuma kwa Kyala, ukubuka nkisu,

alinkugomokela ukufuma kwa Kyala, pamo ukufuma nkisu ukubuka kwa Kyala, nukwisaka kangi mu luko lwa Mbepo Mwikemo, kangi ali na uswe, nkati mwa uswe, ku bumalikisylo bwa kisu, ikubomba mu Kipanga Kyake imbombo yilayila yi Umwene aabombile akabalilo kako Umwene ali apa pa kisu. Kangi, ukwisila mu ikyo, uswe tukwega abana bitu yumo kun nine, ku babombi, kangi abene bikwiputa pa bene, bikwala amaboko gabo pa bene nukubasaya abene kwa Kyala. Itolo akasekelo akanini ukuyoba ukuti uswe tukupalisya iki u Ntwa abombile kuli uswe na bana abanini.

¹⁶ Lilino, linga unnini gwako anyafiligwe, pamo yiliyosa injila iyene yili ku kipanga kyako, inogona. Uswe tutikuyoba na kimokyene ikyakulwana na ikyo. Ikyene kyo kili kanunu. Loli, Mwamasimbo, uswe tukubwaga bwene ubuyo bumobwene, apa po papo Yeso abasayaga abene, Mwene. Ikyo une nisakubala, u Ntwa itikisyega, mu i—mu i Lisyu apa. Uswe tukwaga, mwa Mwikemo Luka... Une ngwitika ikyene yo—yo ntu gwa 10, kangi ukwanda ni linandi lya 13.

Kangi abene balinkutwala abana abakeke kwa umwene, ukuti umwene abapamasye abene: kangi abafundigwa bake balinkukemela abene aba babatwele abene.

Loli akabalilo kako Yeso akibwene ikyene, umwene asulumanisigwe fiyo, kangi alinkuyoba ku bene, Bitikisyaga abana abanini ukwisa kwa une, kangi komma ukukanisya abene: namanga uluko lwa ulu lo kitangalala kya Kyala.

Naloliloli une nguyoba kwa umwe, Aligwesa yuyo atisakwambilila ikitangalala kya Kyala ukuya mwana unnini, umwene atisakwingila nkati mula.

Kangi umwene alinkubega abene mu ngongi syake, kangi nukubika amaboko gake pa bene, kangi alinkubasaya abene.

¹⁷ Ikyo kyakuganigwa? Umwene aayobile, "Lilino, bitikisya abana abanini ukwisa kwa Une. Komma ukubakanisya abene, kabuno aba luko ulu, uluko bo mwanike unnini yula, kyo Kitangalala kya Kyala." Kangi Umwene alinkubapimba abene mu ngongi Syake kangi nukusaya abene.

¹⁸ Lilino, mumo uswe twabagile ukukigana, ulubunju ulu, linga uswe twabagile ukuya na Yeso itugesye, mbundu, apa pa kigemo, nukuyoba, "Ntwa, ngimba ugwe ubagile ukusaya u mwanike gwangu?" O, fyo fiki i...panongwa ya fisige fyamundu kangi indumbula syitu sikunyonywa ukuketa ikyo. Loli Umwene alia pa, mulimosa, namanga Umwene atupele uswe ululagilano ukubomba ikyene. Kangi, mumo uswe tubombile, momumo Umwene ikwitikisya. Uswe tukwambilila babo Umwene atumile, ukwambilila Umwene yuyo alintumile

umwene, umwe muketile. Popapo, Umwene ali apa ulubunju ulu. Kangi linga Kalumbu Gertie isakwisaga pamwanya ku piano nukukuba ulwimbo lwitu ulukulu uswe twalisibile ukwimba akabalilo katali aka kakindile, ulu, "Batwala abene nkati, batwala abanini bala kwa Yeso." Une ngwitika ulwene lulimo mwa buku yula pabuyo bumo. Une ngaya nsisimikisi. "Batwala abanini bala kwa Yeso." Kangi linga ugwe uli nayo ugammaboko, akanini kammaboko aka kakasayiligwa, kangi ugwe kulonda ukukasaya akene ulubunju ulu, fiki, uswe twisakusangaluka ukubomba ikyene.

¹⁹ Kangi ngimba balipo ababombi balibosa mu kiyumba, abalumbilili aba babagile itolo ukulonda ukwisa kuno nukwima nauswe apa akabalilo kako uswe tukusayila abana aba kwa Ntwa? Uswe twisakusangulukaga ukuya na ugwe, bo ugwe kwisa. Umma ndaga, ngimba ulwene luli mwa buku mula? Ugwe lwaga ulwene, Nkundwe Neville? Ulwene lukayamo mula. Umma ndaga, balinga balumenye ulwene, *Batwala Abene Nkati?* Umma ndaga, unko uswe twimbe ulwene lilino. Aligwesa palikimo, akabalilo kako abamama bikutwala abammaboko babo. Umma ndaga. Umma ndaga.

...abene nkati, batwala abene nkati,
 Batwala abene ukufuma ku migunda gya
 mbibi;
 Batwala abene nkati, batwala abene nkati,
 Batwala abembeli bala kwa Yeso.

 Batwala abene nkati, batwala abene nkati,
 Batwala abene ukufuma ku migunda gya
 mbibi;
 Batwala abene nkati, batwala abene nkati,
 Batwala abanini bala kwa Yeso.

Uswe twinamisyé imitu gyitu pakabalilo.

²⁰ Gwitu Tata Gwakumwanya, ukwima ukusyungutila ikigemo ulubunju ulu bikwima abamama na batata bakolelile ifimela fyabo mu ngongi syabo, utu Ugwe nilipyana utupele ku bene. Abene bo bakupalisyá fiyu panongwa ya twene, Ntwa, kangi abene bikubatwala abene pamwanya apa ku kigemo ulubunju ulu, mu nyumba ya Kyala, ukubasayila abene, ukupa utubumi twabo kwa Ugwe. Ugwe upele. Kangi uswe tukusuma, Kyala, ukuti Ugwe kwisakuswilaga nukubasaya yumo na aligwesa gwa bene. Balongsyaga abene, kangi a Bandumi ba Kyala abaponesi baliketesyaga pamwanya pa aligwesa pamwene. Bapaga abene ubumi ubutali bwa busangaluke nu buhofu. Abene balikulaga ukuya banyambala na bakikulu ba Kyala, aba kilabo, linga aliko u kilabo.

²¹ Kyala, uswe tukusuma ukuti Ugwe kwisakusyaga abalumbilili na basololi na bamanyisi ukufuma ku kibugutila iki kya bambaboko aba basyungutila ikigemo ulubunju ulu. Kangi

akabalilo kako uswe tuli bakangale kangi tukabagila ukubuka pabutalipo, umundu yumo ikufimilisigwa ukutwega uswe ukufuma ku buyo ukubuka ku buyo, uswe tulibagilaga ukwima nukupilika i Nongwainunu yilumbililige na aba babo bali apa umwisyugu. Tupaga ikyene, Ntwa. Kangi ilisiku lyalwimiko limo akabalilo kako ikyene kyo mosa kimalike, amabumi gitu gamalike, abapapi aba ukusyungutila pa kigemo, uswe tuli yaga ngati Yakobe gwa iyolo akabalilo kako umwene asayile abana bake bosa nukubabula abene ifi ubumalikisyu bwabo bwabagile ukuya mu lisiku lyabumalikisyu. Polelo ukuketa mmwanya, alinkuti, “Umwe mumenye, une ndipakubunganisigwa na bandu bangu.” Kangi ilisiku lyalwimiko limo, umwene na bosa abamela bake, umwene ukuya mbunganisigwe palikimo mu Kisumu ikinunupo. Fyobene Balaamu alinkuti, “Unko ubumalikisyu bwangu buliyaga bo ulu.” Kyala, une ngusuma ukuti Ugwe kwisakupaga isayo isi pa bapapi.

²² Kangi lilino bo uswe tukubuka ukwala amaboko pa bene, ko fiki—ko fiki akanunu... Kangi kyo kyakwiyyisa bulebule Ugwe utendike ikyene, Ntwa, ukuti uswe banyambala ba kisu iki tuli nu lusako ulwa kusaya abana abanini mu Ngamu Yako, tumenye iki, ukuti, iki uswe tukusuma, uswe tukupegwa kwa uswe. Bo uswe tukubasaya abene, tulumba Yeso, u Mundu gwesa-unsitakuboneka, gwamakagosa Yula ime kifuki nukusaya aligwesa gwa bana bo uswe tukwala amaboko gitu pa bene nukupa abene ku Mwene. Kabuno uswe tukusuma ikyene mu Ngamu Yake. Ameni.

²³ Nkundwe Glenn Funk, umwene ali na bana bake banini batatu ukuti basayiligwe ku Ntwa. [Ubuyo busitakandu pa tepi—Nsimbi.]

...a—a kanini akakwifisamo, kubutali kula mu kisu-kyakululu, Ugwe gwafingile u mwana uyu kwa une. Tata, isayo Syako siliyaga pa mwene.

Joseph, ndumiana gwangu, Une ngukupa kwa Kyala. Kangi ubumi bwako buliyaga lusayo. Uliyaga ugwe nsololi, Joseph. Ngulamba ilipyana lya Kyala liliyaga pa ugwe. Ngulamba u Kyala gwa tata gwako, u Ntwa Yeso Kristi, bwila siku akusaye ugwe, atendeke ubumi bwako ukuya lusayo kubangi.

Mu Ngamu ya Yeso Kristi, une ngunsaya umwene. Ameni.

²⁴ [Ubuyo busitakandu pa tepi—Nsimbi.] ...baganile abana abanini? Kindukimo ikye abanini abinitu bala ukuti u mama aligwesa ikulonda umwana gwake ukuya nsayigwa.

Lilino, iyo yo njila ugwitu Gwakumwanya Tata ayilile kwa uswe bakusi ulubunju ulu. Umwene ikulonda aligwesa gwa uswe ukuya basayigwa. Umwene ikutwimilila uswe pankylene pa kindu kimo, itolo ikupa ikyene panja kwa uswe, ukuya ukuyoba, “Apa, une ngulonda ugwe ukuya nsayigwa, mwana

Gwangu.” Ngimba Umwene akaya nnuunu? Popapo uswe tubagile ukupalisya u gwakisa Gwakumwanya Tata bo lula.

²⁵ Lilino, mu sayo sya bambaboko banini, umwe mumenye, une itolo nabalaga apa mu Lisimbo ilisiku ilingi, pabuyobumo ukukilania apa, ikyene kyali mu Lwitikano Ulukulu, ukuti, ikindu ikikulumba iki une naloliloli napalisye ukuti nabalile. Apa ikyene kilipo, papapa apa. “Kangi Natani alinkuyoba kwa Davidi, ‘Bomba fyosa ifi fili mu ndumbula yako, namanga Kyala ali na ugwe.’” Muketile? “Bomba iki kili mu ndumbula yako.” Kangi utubalilo twangi une—une nkyagile iki, Nkristi mwinangu, ukuti une njobile ifindu kisita kumanya iki nabagile ukuyoba, kangi ngusyagania ikyene kikwisa ukuyako. Iki ugwe kuyoba!

²⁶ Ikyene kyayobigwe akabalilo kamo, Yeso alikile ukufuma pa kyamba kangi Umwene agubwene u mpiki ugu gukali nakyo nakimo pa gwene, itolo Amani gene, kangi kikalimo nakimo ikipaso, kangi Umwene alinkuyoba, “Nayumo u mundu ikulya ukufuma mwa ugwe ukufuma mwisyugu.”

²⁷ Kangi ilisiku ilikonga, ikukisania pala, abatumigwa balinkuketa amani gakofwike. Umwene alinkuti, “Keta bu bwengo mumo umpiki gukofokilwe.”

²⁸ Yeso aatile, “Yaga nu lwitiko mwa Kyala; Namanga kilikyosa ikindu ugwe kunyonywa, akabalilo kako ugwe kwiputa, itika ugwe kwambilila ikyene kangi kwisakuyaga nakyo ikyene. Kangi kilikyosa iki ugwe kuyoba, ugwe kuyaga na iki ugwe kuyobaga.” Inogona isya ikyo. O! Kangi lumo umwisyugu, unkulumba u Mbepo Mwikemo ugwa Kyala, imile apa pa kigemo, ugwe kuyoba... Mulimosa, ikyene kitikufimbulisigwa ukumogesigwa. Ikyene kitikufimbulisigwa ukuya bumo ubukulumba ubuyo bwa ifi na ifi.

²⁹ Yokobo akwabile pala ibwe akabalilo kamo kangi alinkulambalika untu gwake pa lyene, kangi ilyene likali litikisigwe umwisyugu ukuya Ibwe lya Scone. Pamo, Ibwe lya Scone, ili abanyambala abakulumba ba kisu bakali bikupimba ibwe lila paliposa, ukuti abanyafyale ukufwikigwa pala pamwanya ibwe lila, itolo ibwe lyapaliposa lilambalele mu ngunda.

Beteli aali itolo kilundiko kyo malyalabwe galambalikigwe limo pa linine, kangi akene kalinkuya nyumba ya Kyala, ubuyo bwakwitugalako. Yakobo aayobile, “Ubu bukaya buyo bungi kangi mma loli i nyumba ya Kyala.” Itolo ikilundiko kya mabwe galambalele pamwanya pa limo ni linine.

³⁰ Ikyene kitikwegela ifindu ififikulumba ifya ifi na ifi. Ikyene kikwegela ubupepe nu lwitiko ukwitika, kyo iki ikyene kikwegela. Ikyo kyo iki kikupela ikyene.

³¹ Lilino, tumenye akabalilo kala nakalinga kakusokapo, uswe tukugelaga komma ukubakolelela umwe akabalilo katali fiyo, bo tumenye ukwene kupile kangi ikipanga kiswile. Popapo

une nisakuyobaga itolo kwa umwe itolo ku tubalilo tunandi ulubunju ulu, pa kamanyisyo kanini apa kako kabagile... Une ngusubila akene kisakubatula umwe. Kangi lilino une, bo ngali ngasokapo pa kaya, une nasimbile pasi tutatu pamo tuna utundu utunini. Une ndinkuti, "Une ngugulilaga nukuketa iki u Ntwa ikulondaga une ukuyobapo akabalilo kako une ngufika kula." Une nasimbile ukufwana utundu ntandatu utunini pasi apa, utumanyisyo utunini, kangi une nasimbile kamo, ukukabika akene mu nyambi bo ulu. Une ndinkwinogona, "Ena, akabalilo kako une ngufika pa kigemo lumo Umwene isakumbulaga une ikindukimo ikyakuyobapo." Lilino une ndi kubutali itolo mumo une nayilile pamwanya pala. Popapo, mulimosa, une nisakubala i Lisimbo apa, u Ntwa atutule uswe ukupilikisyia Ikyene. Untu gwa 14 gwa Mwikemo Luka, kangi unko uswe twande kifuki ilya malongo matatu na-... ilya 31 ilinandi ilya ntu gwa 14 gwa Mwikemo Luka.

Pamo yo mwalafyale nki, ikubuka ukutendeka u bwite ukulwana na mwalafyale uyungi, atikwitugasya pasi tasi, kangi nukulondesya-mahala kali umwene yo abagile na maelifu kalongo ukwakwagana umwene uyu ikwisa ukulwana nu mwene na melifu malongo mabili?

Pamo mma, bo umwene yo kali... yo akaali kubutali kula, umwene ukutuma panja umwimilili, nukunyonywa inyitikisanio sya lutengano.

Momumo lulalula, aligwesa umwene ayege gwa umwe...

³² Une ngulonda umwe muketesye kifuki. Lilino, ukwanda Umwene aatile... Ikyene kyo kyambupingamu. Umwene alinkuti, "Lilino, alipo u mwalafyale ikwisa, kangi umwene ali na basikali maelifu malongo mabili; kangi u mwalafyale *uyu* isakwagana nu mwene, kangi umwene ali nabo itolo maelifu kalongo. Popapo polelo, i kyakwanda, umwene ikwitugasya pasi nukwilalusya linga umwene itendekisyie, kali umwene abagile ikukibomba ikyene pamo mma." Umma ndaga.

... gwa umwe yuyo atikuleka kilikyosa iki umwene ali nakyo, umwene akabagila ukuya mfundigwa gwangu. (Muketile?)

³³ Lilino Untwa aliongelelaga isayo Syake ku Lisyu. Lilino uswe twinamisyie imitu gyitu itolo pakabalilo.

³⁴ Gwitu Gwakumwanya Tata, Ugwe Gwe umenye ifindu fyosa, kangi utikupasya ubundu bwa mundu, kabuno ngimba yo fiki u mundu ukuti ugwe kumpakikisyia umwene? Ugwe gwapelile u mundu, kangi umwene yo itolo ngati liluba lya nkibanja: umwisyugu yo mmogi, kilabo umwene atumuligwe pasi, atagigwe mu ng'anko, kangi umwene ikukofoka nukusokapo. Kangi une ngusuma Ugwe, Kyala, yaga gwakisa kwa uswe umwisyugu kangи unko aligwesa pamwene ege ulwilinganio

umwisyugu. Uswe tuli apa ukuya mu nyumba ya lufundo. Uswe tuli apa ukumanyila nukumanya akitugasyilo, kangi unko ikyene kisege ukufuma mu Lisyu Lyako umwisyugu, O Gwasyepwa Kyala. Bingi ba bana Bako babunganisigwe nkati, kangi bingi ba bene bali bana Bako ku fyinja, loli, bo isyo, uswe twesa tukwisa ku nyumba ya Kyala, ukumanyila, ukumanya. Kangi une, umbombi Gwako, ngunyonywa ukumanya fingipo ifya Ugwe. Kangi une ngusuma Ugwe kwisakutwalaga ubuputiligwa bwa Nongwainunu pa twesa ba uswe, pa mbombi Gwako, kangi ukuti u Buyepo Bwako, kangi nukuputila uswe ukukindilila i kiyumba iki, kwisakuyaga kukulumba fiyo umwisyugu, mpaka uswe twosa kusokapo, mu ndumbula syitu, tukunyonywa ukuya babombi banunupo ba Ugwe, ukuti ikyene kisakuyaga kyamfunjo kuli uswe ukuya apa. O gwakisa Kyala, paga isayo isi mu Ngamu ya Yeso, Mwanundumiana Gwako. Ameni.

³⁵ Lilino Untwa aliongelelaga isayo Syake ku Lisyu mumo uswe tukubala. Une ngulonda ukwega ilisimbo ili, ukuti, "Imbepo insongi pamo Lisyu lya Kyala?" Lilino, fiyofiyo ikimanyisyo ikihesya, loli pakuya ikyene kyo mu kipanga... Kangi Kitatu nkilo iki kyakindaga... Ugugwakindaga Ndungu kulubunju une nayobaga pa a—a kanandi akasekelo kajubili ka Nongwainunu.

³⁶ Kangi Kitatu nkilo kyakindaga une nalumbilaga pa nkikulu uyu āli ni—ni akabwe akapala pamwanya pantu gwake, pamo i... Umwene atāgile kamo mwa tupatu twa katalama kake, kangi umwene apyagilaga i nyumba kangi ikugela ukukaga akene bo akali undume gwake ukwisa. Kangi tulinkwisa ukusyagania ukuti unkikulu yula āli luko lwa kubusokelo lwa nkikulu, kangi umwene... kangi imililaaga i Kipanga. Kangi ingiga ya bwegi yalisibile komma ukufwala pa lōbe. Iyene yafwaligwaga ukukilania untu, nu tupatu lwele-na-kimo utwa siliva nkati mu yene. Kangi akabalilo kako unkikulu isaga ukuya ndogwe, abene begaga panja akapatu kamo aka siliva nukunāngisya ukuti umwene āli ndogwe. Kangi popapo unkikulu uyu atāgile kamo mwa tupatu, komma ukuya ndogwe. Loli undume gwake āsokilepo, kangi umwene agelaga ukuya mwengo ukukaga akapatu kala, ukukabika akene ukugomokesya mu ibwe lyake ilipala, namanga akabalilo kako undume gwake ikwisa umwene angali ikumanya ukuti umwene ākologwe mu bulogwe, kangi ikyene angali kikusanusya ukulepulania mosa kwa kaya na fyosa bo ifyo. Kangi une ndinkubombel'imbombo kila pa tubalilo tunini ku kipanga, kyātāgile iklundiko kya findu ifikulumba. Kangi akene ko kabalilo kwa Tata ukwisa, popapo uswe tukufimbilisigwa ukufwima ifyene mosa. Lilino, tumenye nkipanga, kangi ikipanga kyitu...

³⁷ Kangi une—une ngulonda ukuyoba pa *Imbepo Insongi*, iki ikyene angali naloliloli kikupegigw'untu gwa

Bufundamisyētāno. Umwe mukupilika fинги fiyo isya misyētano, igya masiku aga, loli umwe mukupilika panini fiyo akakagilo ka kyene. Uswe twesa tu—tu kanunu tumenye ukuti balipo abōhesi, loli, ikindu ikyakukonga kyo, akasosyelemo ka kindu kila. Kangi lilino filipo... Ukuya, ukwisila mu lipyana lya Kyala, ulusako Iwingi ukubomba ni findu ifi ifikoleligwe misyētano, nu kwagana nafyo pa kigemo kangi mu bwendelo bwa bwila, kangi, fiki, une ngulonda ukuketa mu Lisimbo ulubunju ulu nukufysagania itolo iki ifindu fila fili.

³⁸ Lilino, uswe tukibombil'imbombo ikyene mu bubombelo bwa lubumbulusyo, akabalilo kosa ku lubafu lwa lubumbulusyo. Kansa, amulu ga kansa, amagengelemlia mmaso, ulukosomolo ulukulumba, fyosa ifindu ifyo fikaya fинги fyakipeliga mma, ifyene fyo fikindakipeliga kangi fyo misyētano. I Lisimbo pabwelu likusisimikisyia ikyo. Loli ikyo kyo misyētano mu mbili, ni fyakumelamela, ngati kansa, kili nu bumi mu kyene, kangi ubumi bwa kila kya kisyētano. Ucumela kwa magengelemlia, ukubāla kwa lukosomol'ulukumba, ni mbungo isingi, ikyene kyo misyētano. Ikyo kyo mu bubumbe bwakukoligwa.

³⁹ Lilino, ulubunju ulu uswe tukuyaga pakuyoba—pakuyoba isya misyētano mu bubumbe bwamwambepo mu moyo. Ifyene fili mu moyo lulalula bo mumo ifyene fili mu mbili. Kangi uswe tukufimbilisigwa ukwitikisyia uswe tukufibona ifyene mu mbili gwa bandu, bo yu kansa kangi—kangi imbungo ingindane kindane ikyo kyo mu mbili gwa bundu.

⁴⁰ Itolo lululu, yope kansa yifumusigwe ukuya mbungo ya mbupimilo-bwa-buna, ukuti iyene yili mu mbupimilo ubungi. Naloli, ikyene kyo bufundamisyētano. Imbungo yiliyosa yo mbungo ya mbupimilo-bwa-buna, ubwandilo bwa ikyene.

⁴¹ Lilino, loli kansa mu mbili pamo kansa mmoyo, ilisyētano libagile ukwingila mu buyo bosa bubili. Lilino, tulipo utubalilo twingi kangi abandu bingi na minogono amanunu aba... kangi abandu abanunu aba bikugela utubalilo twingi uku—ukwigemekesyia pa bufundakyala bumo ubunini abene balinabo, pamo ikindukimo aka abene bamanyisigwe ukufuma bo mwanike, kangi pope bikwaga kila pasi mu bundu bwabo, pasi mu moyo gwabo, ukuti abene pope balinakyo ikindukimo iki kikaya kitalusye mma. Ugwe, bingi bali apa ulubunju ulu, kisita kwilamwa kulikosa ugwe kubaga a Bakristi babūngene palikimo, ugwe kubaga abandu babo bali ni mbepo sila nkati myabo, ukuti abene... Ikyene kyo kisitakunyonyigwa. Abene batikufilonda ifyene. Abene bikuyoba, “O, linga une nabagile ukuleka itolo ukuyoba ubutungulu! Linga une nabagile ukuleka itolo ukunyonywa! Linga nabagile itolo ukuleka *iki* pamo *kila!*” Lilino, ikyo kyo misyētano. Kangi, lilino, igyene gikwisa mu bubumbe bwa bwiputi, utubalilo twingi. (Ukuya iyene yo sukulu ya pa Ndungu, akene ko kabalilo ka kumanyisya, popapo unko

uswe tuketemo mu iki.) Lilino, igyene gikwisa mu bubumbe bwa bwiputi, utubalilo twangi.

⁴² Lilino, mu Masimbo, akabalilo kamo, alipo u nnyambala gwa ngamu ya Yehosafati, unnyambala unkulumba, unnyambala umwiputi. Kangi umwene alinkubukako kula ku mwalafyale uyungi uyu yo ali mwalafyale gwa—gwa Israeli. Kangi umwene, Yehosafati, ukuya mwalafyale gwa Yuda. Kangi umwene alinkusulukila kwa Ahabu, u mwalafyale gwa Israeli, kangi abene balinkufika kukupinyigwa losa palikimo, nukupela ulwitikano yumo nu nnine, ukubuka ukwakulwa kumwanya ku Ramoti Giliati. Kangi abene balinkubomba ikyene kisita pakwanda ukwiputa.

⁴³ Kangi, linga abandu babagile itolo ukusyagania! Iyi yo nongwa une nisile ulubunju ulu nukubasuma umwe ukungumbukila une bo une ngubuka ukukilania nyanja. Mu findu fyosa, iputa!

Umundu yumo alisile ilisiku ilingi kangi alinkuyoba, “Nkundwe Branham, ngimba ugwe ikyene kyo kisobi ukubomba ikindu kimo?”

⁴⁴ Une ndinkuti, “Nongwa ya fiki ugwe kulalusya isya kufwana?” Muketile? Linga lilipo ililalusyo mu linogono lyako, kileka ulyene pakyene, komma ukubomba ikyene napanandi mma. Itolo syala na kila. Akabalilo kako ugwe kwanda ukubomba akandu kalikosa, kangi linga ilyene lyo lilalusyo kali ikyene kyo kitalusye pamo kisobi, syala kubutali ukufuma ku kyene. Komma ukubuka mu kyene napanandi, polelo ugwe umenye ugwe uli ntalusyi.

⁴⁵ Lilino, fyosa ifindu fikulondigwa ukwinogoneligwa mwalwiputo, tasi. “Londesya ugwe ukwanda Ikitangalala kya Kyala nu bwikemo Bwake, kangi ifindu fyosa ifingi fisakongeleligwapo.” Une ndi naloliloli nsisimikisi ulubunju ulu, linga abanyambala na bakikulu babagile itolo ukufika mbuyo bwa kuko umoyo gwabo, ukwinogona kwabo, akipilikilo kabu, fisakuyaga fipelelesye pa maso ga Kyala, ikyo kisakuyaga kimo mwa fipanga ifyamaka-ukukinda fiyo ifi filimo siku.

⁴⁶ Ketesyta itolo utubalilo tunini ku kyakupalamasigwa. Lilino, uswe tuli, tubombile, utubalilo twangi, tubombile ku fyinja, uswe tuli nakyo iki uswe tukukibilikila u “mmanya butungulu.” Ugwe ubagile ukukibika ikyene pa lukongi lwako, bika ikyene ukukilania imitu gwabo—gyabo, kangi ugwe ubagile ukufika nkati mula nukugela pabununu bwako fiyo ukutendeka ubutungulu ukupilikigwa ngati bwanaloli, kangi ikyene kisakusimba ikya negativi akabalilo kalikosa, panongwa yakuti u mundu akapeligwe ukusyoba. Ukusyoba ko kwabusyobi, kindi kikafu, kindu kibibi. Une kinunupo nje na kinwelwa na une, ilisiku lililyosa, ukukinda unsyobi. Muketile? U nsyobi! Kangi umbili gwako gukapeligwe ukusyoba

mma. Kali ugwe gwe gwabutulwanongwa bulebule, ugwe pope gwe mwanundumiana ungwano gwa Kyala. Umundu ugabutulwanongwa fiyo nkaya aka umwisyugu, Kyala akalondilemo siku ugwe ukuya gwabutulwanongwa. Umwene àlondile ugwe ukuya mwanundumiana pamo mwanundindwana gwa Umwene. Ugwe utendekigwe mu ndendeko Yake Mwene. Loli ubutulwanongwa bukupelile ugwe ukubomba ikyo. Kangi kali bo bulebule ugwe kugela ukwegelela nukugela ukutendeka ubutungulu ukuboneka ngati bwanaloli, abene bali ni kyombo kyasayansi iki kikusisimikisyia ukuti ikyene kyo kyabusyobi. Ugwe ubagile ukukiyoba ikyene na kosa ukusitakumanya ugwe kulonda, loli ikyene pope kisakusimba negativi; panongwa yakuti galipo amabyebye pasi mwa mundu gwabundu, kangi amabyebye gala amenye iki kyo bwanaloli. Kangi kali kyo fiki ugwe kuyoba panja apa, amabyebye gala gamenye ukuti kila kyo butungulu, kangi ikyene kisakusimba ukufuma mmabyebye.

⁴⁷ Polelo, linga u nnyambala pamo u nkikulu abagilemo siku ukwega aminogono gabò, kangi ubuketi bwabo kangi amabumi gabò fiyo ukugolosigwa mosa na Kyala (ameni) mpaka unkolofowa gwa Mbepo Mwikemo gwisa kuya nubupelelesya na Kyala, kyo fiki kisakuboneka! Linga u nnyambala kangi u nkikulu abagile ukufikamo siku ukugolosyana mosa, kuko nu bwabuke ukufuma mu ndumbula syabo, nu Iwitiko ukufuma nkati-fiyo!

⁴⁸ Abandu bingi bikwisa ku kigemo ukwiputiligwa, abene bali nu Iwitiko lwammahala. Abene bikulata imbibi syabo nukwingila i kipanga, ukwisila mu Iwitiko lwammahala. Abene bikwitika ikyene mu linogono lyabo—lyabo. Abene bikwitika ikyene panongwa yakuti abene bakipilike ikyene. Abene bikwitika ikyene panongwa yakuti ilyene lyo linogono ilinunu-ukukinda. Loli ikyo kyo kikaya iki Kyala ikuketako. Umwene atikuketa ulwitiko lwako lwammahala.

⁴⁹ Umwene ikuketa pa ndumbula, kuko pamwanya nkati Kyala...Kangi akabalilo kako ikyene kikwisa ukufuma mu ndumbula, ifindu fyosa fyakubagila polelo. Ukwilata kwako kukwagana nu bumi bwako. Ubumi bwako bukuyoba itolo nukulata bo bwilate bwako bukubomba.

⁵⁰ Loli akabalilo kako ubwilate bwako bukuyoba ikindu kimo, kangi ubumi bwako bukwitugala ikindu ikingi, kilipo ikindu kimo kisobi pa buyo bumo. Iyo yo nongwa yakuti ugwe uli nu Iwitiko lwammahala, kangi komma ulwitiko ukufuma mu ndumbula yako. Kangi ikyo kikubonesya ikyo panja, *apa*, bo bumanya bwa Kyala; loli nkati, *apa*, lyo lisyétano likwilamwa. “Une ngwitika mu lubumbulusyo Lwabunyakyala, loli ulwene lukaya lwa une mma.” Muketile? “Aa, ikyene kibagile ukuya lulo, loli une ndikwitika ikyene mma.” Mukupilikisyia ikyene? Panja, ugwe kuyoba “ena”; nkati, ilibyebye lyako likuyoba “umma.”

Kila kilakila ikindu kyasayansi kyabagile ukusisimikisyia ukuti ikyo kikāli kitalusye, kikusisimikisyia ikyene.

⁵¹ Ketesyia akabalilo kako abanyafyale aba, bo abene bakali nu kwandako, abene babagile ukubomba...Bo akalimo siku Yehoshafati ukutendeka ulwitikano na Ahabu, umwene alondigwaga ukuti ikyene angali bayobile, "Unko uswe twipute nukuketa iki ubwigane bwa Kyala buli."

⁵² Mbapo une undumbilili, mbapo une u Nkristi, mbapo une unkasi gwa panyumba uyu yo Nkristi, mbapo une u ndimi, pamo umbombi ku fakitale, uyu isakumbika Kyala gwakwanda mu kilikyosa, une nisakukunāngisyága ugwe u nnyambala uyu isakuyaga mponjoli palema na fyosa umohesi abagile ukubika pamwene. Umwene ikulondesya Kyala, tasi. Uswe tukufimbilisiga ukuya tasi...

⁵³ Loli abene bakabombole ikyene mma. Abene basyungutiligwe losa panongwa yakuti Ahabu āli ni kitangalala ikikulumba ikimulike, kangi umwene ābombole ikilundiko kyosa kya findu, kangi ali nifikulumba ifinunu, u golidi gwake na siliva gwake, āli nkulumba, mundu mponjoli, loli u nsitakwitika.

⁵⁴ Kangi apo po pāpo i kisu kili umwisyugu. Uko ko kuko America ikwima umwisyugu. Uko ko kuko ifipanga fikwima umwisyugu. Uswe tuyengile fimo mwa pipanga finunu-ukukinda ifi fyayengigwemo siku. Uswe tufumile pakuya na basukulu abapuputigwe kanunu-ukukinda aba tulimo nabo siku. Uswe tumanyisye bumo mwa bufundakyala ubununu-ukukinda, na fyosa bo ifyo, kangi tumanyile ukwimba ngati Bandumi, loli pōpe bulipo ubonywa pa buyo bumo. Bulipo ubonywa, panongwa yakuti abene basokile panja ukukonga ikimanyisyo kya mundu ni mbepo insongi, mbuyo bwa kugomokela ku Lisyu lya Kyala. Abene bikugela ukupela ifindu ukwegelela ngati kisu. Abene bagelile ukubikapo amalumuli amamulike pamwanya, ngati Hollywood.

⁵⁵ Apa ilisiku ilingi, ikipanga-kipaguke ikifumuke, ikyandubafu lwa Full Gospel mu Kansas City, pamo, une nhobokela, mu Denvery, ku lukomano-lunywamu, yo nyumba ikipanga kya ma dola elifu-elifu. Kangi amaelifu ga bamisyoni bikugulila isumuni malongo mahano ukufuma ku kipanga-kipaguke kila, ukupimba i Nongwainunu ukubuka ku biputafifwani. Iki uswe tukulondigwa umwisyugu kyo kyaminogono-ga-bamisyoni, lutumigwa-na-Kyala, lusasanio lupapigwa-na-Mbepo-Mwikemo, ulu lwisakuya nu kwiyula kwa Kyala, ukuguta nkyeni panja mmatengele ukukilania nu kubomba ikindu kimo kuli Kyala, mbuyo mwa kuyenga ifinywamu, ifipanga ifinunu nukugela ukumulika ukukinda ikipalamani.

⁵⁶ Une kinunupo nipute mu misyoni, kuko ikyene kipyagiligwe mosa, pamo ubuyo bwa kunwela, nukuya nu bwabuke bwa

Mbepo Mwikemo nu lugano lwa Kyala lukupya mu ndumbula, ukukinda ukwitu gasya mu fikulumba ifi katedelo ifi uswe tuli nafyo nkisu kangi ukulundikigwa ni fimanyisyo fya mundu ni ndagilo. Uswe tukufumbwa umwisyugu kyo lusasanio lwakusenyenda, gomokela ku Bwanaloli, gomokela ku Lisyu ly Kyala kangi.

⁵⁷ Lilino, akabalilo kako abene bābukila panja pala, kangi ikyene kyaali ukufuma pa kabalilo Yehosafati mu luko lumo alinkwisa kwa yumwene nukuti, “Ngimba tukaya... Mulimosa, unko uswe tundalusye Kyala isya iki.”

⁵⁸ Umwene alinkuti, “Umma ndaga,” Ahabu alinkubomba, kangi umwene alinkutuma pasi nukwakwega mia, abamia bana abanunu abamanyisigwe abalumbilili. Kangi umwene alinkubatwala abene pamwanya pala kangi alinkuyoba, “Aba bo bosa basololi.”

⁵⁹ Kangi popapo abene balinkubuka mu nkrimba kwabo, kangi abene balinkwanda ukukolela. Kangi abene balinkuti, “Ena, ugwe bukaga nkyeni kula mu lutengano. U Ntwa ali na ugwe.”

⁶⁰ Kangi ukufuma papo bosa bala abamia bana bapele ubuketi ukuti abene babagile ukubuka kula mu lutengano, pōpe Yehosafati amenye... Ngimba ugwe kupilikisyia ikyene? Muketile, pasi mu ndumbula ya nnyambala ungodofu yula mwalimo ikindukimo kyalimbulile umwene kyalimo ikyakulasa mu mposya pabuyobumo. Ikindukimo kyaali kisobi.

⁶¹ Ahabu alinkuti, “Lilino uswe tuli nabo abamia bana apa, kangi na bumobwene, aligwesa gwa bene ikuyoba, ‘Buka, u Ntwa ali na ugwe.’”

Loli Yehosafatifati alinkuti, “Ngimba ugwe ukaya nagwe yumo ugwkondelelapo?”

⁶² Umwene alinkuti, “Mulimosa, ngimba kulonda fiki na yumo ugwkongelelapo, ukufuma papo uswe tulinabo abamia bana ukufuma ku banyambala bamanyisigwe-ukukinda nkisu? Abene bosa bikuyoba ‘Buka!’” Kila kyāli kyammahala. Loli pasi nkati nndumbula ya Yehosafati umwene amenye kyalipo ikindukimo kisobi. Lilino, umwene alinkuyoba, “Uswe tuli nagwe yumo wene ugwkongelelapo, umwene yo Mikaya. Loli une numbengile umwene.” Alinkuti, “Umwene yo kabalilo kosa ikuyoba ikindukimo ikibibi, kangi ikwingilapo akabalilo kako umwene akaya ni mbombo ukuyapo, kangi umwene ikubika-pasi ifipanga na filifyosa.” Alinkuti, “Une numbengile umwene.”

Alinkuti, “Buka, kammwege, kangi unko uswe tuketege iki umwene ikuyoba.”

⁶³ Kangi akabalilo kako Mikaya aalimile pala, umwene alinkuti... Abene balinkuti, “Lilino, keta, ugwe yobaga ikindu kilakila bosa ba abene.”

⁶⁴ Umwene alinkuyoba, umwene “Une nguyoba itolo...” Apa ikyene kyo iki. “Une nguyoba syene sisyo Kyala ikuyoba.” Ameni. “Kali kyo fiki iki unsololi gwinu ikuyoba, kangi iki *iki* kikuyoba, kangi iki ikipanga kikuyoba, kangi iki abene bikuyoba, une nisakuyoba iki Kyala ikuyoba. Kyala ãbikile pa milomo gyangu kangi une nisakuyoba iki Umwene ikuyoba.” Iki uswe tukufumbwa umwisyugu bo bamo aba Mikaya abakongelelapo aba bisakuyoba iki Kyala ikuyoba. Ketesya, popapo abene balinkumfikisyia umwene pamwanya pala, kangi umwene alinkuyoba, “Mbapo une ikilo iki.” Popapo ikilo kila u Ntwa alinkwagana nagwe, kangi umwene alinkugomokela ulubunju lwa kilabo-kyake. Akabalilo kako abanyakfayale babili balitugesya mu kipata, umwene alinkuti “Bukaga nkyeni kula.” Alinkuti, “Bukaga nkyeni kula. Loli,” alinkuti, “Une numbwene Israeli ngati ng’osi sibalanilene kisita ntimi.”

⁶⁵ Popapo uyu undumbilili yumoywene, afwele fyosa mosa, alinkwenda ukusegelela nukundupula umwene nkanwa nukuyoba, “Yo njila nki iyi Mbepo gwa Kyala abukaga akabalilo kako Umweneaabukile panja ukufuma mwa une?”

Alinkuti, “Ugwe kusyaganiaga akabalilo kako ugwe kugomoka.” Ena.

⁶⁶ Umwene alinkuti, “Pilikisyapapa!” Umwene alinkuti, “Uswe twe bambombi ba Kyala. Uswe twe bamia bana, kangi ugwe uli yumo.”

⁶⁷ Loli Mikaya alinkuti, “Une ngukubulaga umwe kuko ulutamio lwako luli.” Ameni! Alinkuti, “Une naali ni mboniboni.” Ameni! Umwene alinkuti, “Une nalimbwene Kyala itugesye pa kikota Kyake. Une ndinkufibona ifilundilo fya ku Mwanya fimile ukusyungutila Umwene. Kangi uswe tumenyekuti i Lisyu lyal Kyala lifumwisiye ifigune pa nnyambala uyu, ukufuma mu njila iyi umwene abombile.”

⁶⁸ Ugwe ukabagila ukusaya iki Kyala agunile, kangi abagile u mohesi ukuguna iki Kyala asayile. Ikyene kyo kya pamwenepamwene, kali bo bulondo buki, pamo bo butoyofu buki, bo busitakumanyila buki, bo busitakumanyisigwa buki. Iki Kyala asyile kisayigwe. Iki Kyala agunile kigunigwe. Manya ukukindanisyia iki kyo kitalusye kangi iki kyo kisobi.

⁶⁹ Mikaya ãmenye kinunu kangi kanunu ukuti yula akâli u Ntwa uyu ali na bala abalumbilili. Mulimosa, ngimba iki kyatamisyekyo fiki na balumbilili bala? Ketesya iki abene babombole. Abene bafwalikigwe mbununu-ukukinda. Abene balyesigwe mfinunu-ukukinda. Abene balisile palikimo mu mfibugutila fyabo na fyosa bo ifyo, nu fyakwitikisania fyabo, mpaka u buyo bwafikile kuko abene bamenye bwene bu bufundakyala bwabo bene. Kangi i Bângéli lyayobile ukuti Mikaya, akabalilo kako umwene akëtâga ku mboniboni, umwene alinkuti, “Kyala alinkuti, ‘Ywani ngimba uswe tubagile

ukuntuma pasi pala kangi nukunsyoba Ahabu?" Kangi imbepo yabusyobi yilinkuyoba, 'Une nisakubuka pasi pala nukunsonga Ahabu ukwisila mu balumbilili bala, ukupela Ahabu ukubuka panja kula, ukuti tulitwali i Lisyu lya Kyala ukuboneka."

⁷⁰ Lilino, umwisyugu abandu bingi fiyo bikupilikisa... (Lilino, isukulu ya Ndungu, une njinganile iyene.) Keta, abandu bingi fiyo bikupilikisa ku mbepo insongi mbuyo bwa kwega i Lisyu lya Kyala. Imbepo, isyene sili nkisu. Isyene syo misyētano. Kangi isyene sikubuka mmabuyo kangi isyene sikufika pakati pa banyambala, abalumbilili. Isyene sikufika pakati pa bandu bankipanga. Isyene sikufika pakati pa bandu abanunu. Kangi isyene sikupela abene ukwisa mu, ku iminyēnya. Kangi abene bikuyoba ifindu, kangi bikuyoba ifindu, kangi bikumanyisyu ifindu, nukubomba ifindu, ifi fyo fikulwana ni Lisyu lya Kyala. Umwisyugu, abalumbilili ba kilundilo kyabo bikubitikisa abandu babo ukukina injuga mfipanga, bingi ba abene. Lilino, ikyene kikaya losa Katolika, filipo ifilundiko fya Baprotestanti bikubomba ikyo.

⁷¹ Iki abene bagelile ukubomba kyo kindukimo ikyakupyanikisyapo. Abene bagelile ukwegelela ulubatiko lumo ulupya. Abene bagelile ukwegelela ubumanyi, ukwega ubuyo bwa Mbepo Mwikemo. Ugwe utisakubagilamo siku ukubomba ikyene, kali ko kumanyila kununu kuki unnyambala gwinu ali. Une ngwinogona ikyene kyo kindu kinunu kuli umwene ukuya mmanyili. Loli linga umwene akaya nagwe u Mbepo Mwikemo na kila, ubumanyili bwake butisakumbombela umwene nikinunu nakimo. Ubumanyili butisakwegamo siku ubuyo bwa bulongosi bwa Mbepo Mwikemo. Ameni.

⁷² Ketesy, abene, mbuyo bwa Iki, abene bagelili ukwega ukuponania amaboko ukupyanikisyapo ubwankabalilo-kaiyolo ubwendelemo uswe twalisibile ukuya nabo. Umwisyugu i kipanga kisile ukuya kyamwisyugu. Abene bikwenda ukusegelela nukupa ikiboko kyabo ikililo kya bulilanisi, kangi ikyo kyo kifuki injila abene bikubombela ikyene. Loli ikyene kitisamo siku ukwega ubuyo bwa akabombelo-kaiyolo ka kifugamilio ka bafwilwe kuko abatulwanongwa bakoleлага panja nukwisakuya bali kanunu na Kyala. Uko ko kutalusya.

⁷³ Umwisyugu abene bikugela ukwega ubuyo bwa kupa kwa Kyala kwa kyakalongo. Abene bikugela ukwega ikindukimo. Abene bikugela ukukipela ikyene kyakukindana. Abene bikubuka pasi nukuya nu lukino lwa bunco mfipanga, ukukina lotale. Lotali atisamo siku ukwega ubuyo bwa kyakalongo kya Kyala. Isekelo, ukulisia kwa mabulangeti, ukulila-panja, ukusonga ihela ukuhomba ifyakumeleligwa ifikindane, ikyene kitisamo siku ukwega ubuyo bwa Kyasyepwa kya Kyala ikyakalongo ni kyabupi. Ikyene kisakubombamo siku ikyene. Loli pōpe uswe tukugela ukubomba ikyene.

⁷⁴ Ngimba kyo fiki ikyene? Ikyene syo mbepo insongi sikusuluka, ukugela ukupyaniki-...ukupyanikisya ikindukimo mbuyo bwa Lisyu lya Kyala. Kyala akaya nagwe umpyanikisi kuli i Lisyu Lyake. Ilyene lyo Lyasyepwa kangi bwilanabwila. Kyala akayanakyo nakimo ukupyanikisya ulwitiko. U lwitiko lukaya nakyo ikyakupyanikisy. U lusubilo lutisamo siku ukwega ubuyo bwa Iwitiko. U Iwitiko luli lwene. Ulwene lukwima palwene. Ulwene lutisamo siku ukwega i... U lusubilo lukabagilamo siku ukwega ubuyo bwake. U lusubilo kyo kindu kya findu ifi fikusubiligwa, u buketi bwa findu ifi fikaketigwa, pamo u Iwitiko luli, ndigi. Muketile? U lusubilo kyo kindu kimo; u Iwitiko kyo kingi. U lusubilo lukusubilila ku kyene; u Iwitiko luli nakyo ikyene. Kimo kyo Iwitiko lwammahala; kangi ikingi kyo busetuli bwakatalula bwa Kyala. Ikyene kitisamo siku ukwega ubuyo bwake. Uswe tukugela, loli uswe tukutendeka fyosa ifyakupyanikisyapo.

⁷⁵ Uswe tukugela ukuyenga ifipanga ifikulumba mbuyo bwa kutuma abatumigwa. Ikyakupyanikisy ikingi. Yeso akasayilemo siku aligwesa ukwakuyenga i kipanga. Ikyene kikasayilemo siku mu i Bängeli. Uswe tusumwisye mmwanya amaseminale, abene bitikisy kila ukwega ubuyo bwa batumigwa. Uswe... Yeso akatubulilemo siku uswe ukuyenga i seminale. Ifyene fili kanunu. Ubumanyili, ukugela ukwega ikyo ukwega ubuyo. Ubwene butisamo siku ukubomba ikyene. Ubulagano bwa Yeso bwäli “bukaga nkisu kyosa nukufumusya Inongwa ku kipeligwa kilikyosa,” kuli kabalilo ka bumalikisy. Popapo fyosa ifyakupyanikisyapo uswe tuli nafyo fitisamo siku ukwega ubuyo bwa kyapabwandilo.

⁷⁶ Ilisiku ilingi une nälí ni kyakumbonekela, ikyakupyanikisyapo. Une nälí nukubaba kwangu kwa líno kwakwanda, nafimbilisigwaga ukukomola ilíno. Ulubunju ulu une ndinalyo límo ilíno lyabutungulu nkati mula. Une ngutamigwa ukuyoba. Ilyene litisamo siku ukwega ubuyo bwa lila ilyabwanaloli. Umma, nkulumba! O, mwe!

⁷⁷ Ugwe ubagile ukummwega u nnyambala nukumfwika umwene mosa, ukutendeka umwene ukufuma ku mipiki, umfu, kilikyosa ugwe kulonda, nukuntendekesy umwene mosa mulimosa fiyo. Umwene akaya ni fyakwipilika, nagamo amabyebye. Umwene atisakwegamo siku ubuyo bwa nnyambala ugwanaloli. Kangi mma umpinduki uwabutungulu uyu ikwisa pala nukuyoba, “Une ningile ikipanga. Une ngugelaga ukubomba kanunupo.” Ikyene kisakwagamo siku ubuyo bwa kapabwandilo akabombelo-kaiyolo, ubutumigwe-na-Kyala, ubupinduke bwa Mbepo Mwikemo ikyo kikupela umundu ukuya nkindane mu ndumbula yake. Ikyene kikabagila ukubomba ikyene, panongwa yakuti bukayamo u Bumi mu kyene. Kikayapo nakimo ukumpa umwene u Bumi.

⁷⁸ Apa pakaya patali mma une naketile ummang’anyi

unkulumba uyu ätwele iki, untendekesyä fifwani, une ngusanusya, uyu atëndike ikifwani kya Möse. Ngabagila ukunkolela ingamu yake lilino. Umwene äli mmang'anyi gwa ki Griki. Kyalimmwegile umwene ubumi bwake. Kangi akabalilo kako umwene alinkukifikisa ikyene kuko umwene inogonaga ikyene kyali kipelelesye fiyo, umwene alinkukinisigwa fiyo ku kifwani kya Möse, popapo umwene alinkukitika ikifundo kya ikyene, kangi alinkuti, "Yoba, Möse!" Ikyene kyabonekaga kyabwanaloli fiyo! Ikyene kyäli fiyo kyegeleligwe fiyo kipelelesye mpaka ikyene kyabonekaga fiyo fiyo ngati Möse, ku linogono lyake, mpaka umwene alinkutika i nyundo yake ukutendeka ikyene ukuya nu bwipilike.

⁷⁹ Kikubika nkati mu linogono lya kipanga. Kali bo bwinginki umwe mukupyanikisa, bo bunywamu buki ikilundilo umwe mukuya nakyo, bo bunununki umwe mukwimba inyimbo syinu, bo bunununki ikilundilo kyinu kikufwalila, bo bwingi buki umwe muli na *iki*, *kila*, pamo *ikingi*, umwe mubagile ukutika, ukwipilika, kilikyosa. Ikyene kitisamo siku ukwega ubuyo bwa Bumi, mpaka Kristi ikusuluka pasi mbubumbé bwa Mbepo Mwikemo, nkati mu kipanga kila, kangi ikupa ikyene ubwendelemo ubupyä ubwa kupapigwa kabubili. Ikyene kitisamo siku ukwega ubuyo bwa Lisyu lya Kyala. I Lisyu lya Kyala likwima pa lyene.

⁸⁰ Mikaya aali ni Lisyu. Umwene amenye aali ni Lisyu. Umwene aali ni Lisyu lisimbige, umwene aali nalyo Ilyene ukwisia mope mu mboniboni. Umwene aamenye ifi Kyala ayobile mu Lisyu Lyake. Umwene aamenye ifi Kyala ayobile mu mboniboni. Ifyene fyosa-fibili fyalisile palikimo. Umwene aamenye ikyene kyaali Bwanaloli, polelo umwene akaali gwakutila mma.

⁸¹ Loli imbepo insongi iyi, keta iki iyene yibombe, umwisyugu. Ukutendeka abakipanga abakongelelapo, ukutendeka abakipanga abanunupo, iyene yo yisisye pasi ulupaso lwa kibaga pa bosa ubumanyisi bwa kabombelo-kaiyolo ka Mbepo Mwikemo. Iyene yitikisyä abanyambala ukuya ni sekelo nya buhuni yumo nu yungi, panja mula nkyumba kya pasi kuko abene babagile ukukina ifyakukinakina. Kila kitisamo siku ukupyanikisa ikyumba kyapamwanya, kuti abene biputilaga u Mbepo Mwikemo. Iyene yitikisyä abakikulu ukwisa palikimo nukuyoba isunga ni kindu, nukuya ni fyamwalo fingi ifi kikayako nakimo ku kyene. Kila kitisamo siku ukwega ubuyo bwa lukomano lwa Iwiputo. Bakikulu, mumo abene bikusokela panja nukufwala umwisyugu, ikyene kyo—ikyene kyo kikosyasoni.

⁸² Une napilike ikyakuyobapo iki Nkundwe Neville aatendike, alinkuti, "Abandu abapelakisa ba America," alinkuti, "abene batumile imyenda gyabo gyosa kwisilya lya nyanja." Uko ko kutalusya. Abene bikwendendeka myenda gyabo igyankati.

Abene... Uko ko kutalusya. Abene babagile ukuti bapele igyene ku batumigwa ba misyon, panongwa yakuti abatumigwa... Abandu ba biputafiwani mfisu ifingi bikugifwala igyene. Abandu aba bikubomba kisita igyene, kikuboneka ngati abene bakiganile ikyene.

⁸³ Une ngubabulaga umwe, kilipo ikindukimo kiniongasigwe, kangi uko ko kulumbilila kwa Nongwainunu ya Ntwa Yeso Kristi. Ikyene kyo misyetano igi gikufüla imyenda gyinu. Akalimo siku nayumo loli umundu yumoywene mu i Bängeli uyu alepwilemo imyenda gyake ukufuma ku bene, yula äli u nnyambala uyu alingiligwe ni misyëtano. Kangi umwene ikwisa mu luko lwa bololopo umwisyugu, ukufwana ngati umwene bulilanisi, ukufwana ngati umwene yo nnunu, ukufwana ngati ikyene kili kanunu. "Ukwene ko kutalalifupo, kangi ikyene kisakukutendeka ugwe ukuya ntalalifupo linga ugwe kufüla imyenda gyako." Nnyambala ikwenda apa-na-apo mu mbingilo, kangi sinda ngelebune, kangi abakikulu lululo. Fiki, umwe mukufikilepo popapo sikayapo kangi mma injindiko ukukinda isi silipo kuli imbwa, yimo ku nnine. Ngimba kitamisye kyo fiki? Une ndikugela ukubafulasya umwe. Une itolo ngugela ukubabula umwe ikyene kyo bwingiligwe bwa misyëtano, kangi umwe mukupilikisyu ku mbepo insongi isi sikukubula ugwe, "ikyo kyo kili kanunu," loli ikyene kyo butungulu.

⁸⁴ Uluseke lwa ngano lwisakutwala yene yi ngano. Linga ugwe uli Nkristi, ugwe utisakubomba ikyo. Ugwe ukabagila ukubomba ikyene. Ugwe ukabagila itolo ukubomba ikyene. Ugwe uli nu Iwitiko lwammahala kangi kuyoba, "Nkundwe Branham, une ngwitika i Bängéli." Ubumi bwako bukuyoba ukuti ugwe utikubomba. Ameni. Imbepo insongi ukulwana ni Lisyu lyà Kyala.

⁸⁵ Umwene aamenye apa umwene imaga, Mikaya abombile. Umwene ali ni Lisyu lyà Kyala. Umwene ali mundu umbengigwa fiyo. Nayumo alinganile umwene panongwa yakuti umwene ayobaga u Bwanaloli, palema nalinga abene babaganile abalumbilili aba.

⁸⁶ Lilino, ikindu ikingi iki kiboneke pa buyo. Une ngwitika kangi ngwinogona ukuti u nnyambala aligwesa uyu ali nabo ubwisibile na Kyala, pamo u nkikulu, ikufimobilisigwa ukufika ukuya gwakitima. Une itolo ngwitika ikyene. Uko ko kutalusya. Loli umwe mumenye fiki? Abene begile ikimanyiso kya kitima ukupyanikisyapo pa losyo lwa Mbepo Mwikemo. Abene itolo bikuya ni kilundiko kya njwego, kangi kikayako nakimo mu gwene. Ugwe itugalaga itolo ukuya mwikemo mumo ugwe ugwe kwitugala gwanjwego, polelo ugwe kwisakuyaga kanunu. Ifitima fyo naloliloli fili kanunu; "ifyakwiganjaganja fyamumbili fikufunja panini." Loli imbepo insongi sipokilemo mu kibugutila kya bandu ba bwikemo, kangi isyene sibafikisyu abene ku itolo ukwigemekesyu pakuti "panongwa yakuti abene

babagile ukuywega” pamo “panongwa yakuti abene babagile ukumoga, panongwa yakuti abene babagile ukutendeka ikitima.”

⁸⁷ Umwinitu ugwaiyolo yula pasi pala, umwalafyale gwa basololi bosa bala, abalumbilili, umwene aali fiyo nsisimikisi ukuti umwene aali ntalusye, mpaka umwene alitendekile mwene imbembe ibili kangi alinkumoga ukusyungutila mosa, kangi alinkutendeka ulukino ulunywamupo. Umwene ayaga pakubaguta abangi ababwite ba Asiria panja pa kisu kila. Loli umwene bwali butungulu! Lisyu lya Kyala lyayobile ikikindane. Ameni. Muketile, ugwe ubagile ukuya gwafitima kanunu, linga ugwe uli nalo uluko ulutalusye ulwa kyakulonda kunyuma kwa kyene, uluko ulutalusye ulwa kitima lukuguta ikitima kyako.

⁸⁸ Davidi amogile pankyen'i pa Ntwa, kangi unkasi gwake alinkunseka umwene. Kangi Kyala alinkuketelela pasi ukufuma ku Mwanya, alinkuti, “Davidi, ugwe gwe nnymabala ukufuma pa ndumbula Yangu Nimwene.” Loli ikyakulonda kyake kyali kitalusye. Ubumi bwake bwali butalusye, kunyuma kya ikyene.

⁸⁹ Popapo, itolo panongwa yakuti uswe tubagile ukuya bafitima, kitikusanusya ukuti uswe tupokigwe. Panongwa yakuti uswe tukubuka ku kipanga, kitikusanusya uswe tupokigwe. Komma ukwitika imbepo insongi sila. Ú Mbepo gwabwanaloli gwa Kyala, ilyanaloli Lisyu lya Kyala, lyo Bwanaloli bwa Kyala; iki kyo Luyungu lwa Kyala, lwisakupela Kyala mbumi bwako; gwabwikemo, mwikemo.

⁹⁰ Pakati pa kilundiko kya bandu uswe tukwaga kuko ifitima, na fyosa bo ifyo, pala palinkwisa ukuyapo ukuyobayoba nu luheho, nu luko losa lwa findu ifisitabunyakyala. Nkundwe, ikyo kyo nkemo gwa kibiliti nkipanga. Agene go maka ga misyētano. Mbepo ya banyambala na bakikulu aba bikufika pakati pa yumo nu nnine, nukugela ukugutilana panja, bikuyoba, “*Íki* kikaya kitalusye, kangi *íki* kikaya kitalusye, kangi *kila* kikaya kitalusye.” Linga ugwe kukibopesya ikyene pasi, kalwele-na-kamo ukufuma mwa kalongo ikyene yo mundu yulayula ikupela uluyigo, uyu yo akaya ntalusye. Ameni. Kyala alubengile ulukanikano pakati pa bakundwe. Yaga gwaluyindiko, yaga mwikemo, nganaga Kyala, ima nu Mwene. Kangi akabalilo kosa ugwe umenye ubumi bwako bukupagukana ni Bāngéi, nu bupelelesye bwa ndumbula, bupelelesye bwa linogono, lugano ku nkundwe gwako, ukugela ubununu bwako ukukinda uku yengela-mmwanya i Kitangalala kya Kyala, nukubomba ifindu fila, ukufwala kanunu, ukwitugala kanunu, ukuyoba kanunu, ukubuka mmabuyo amanunu, polelo ugwe ubagile ukuya nafyo fyosa ifyakitima ugwe kulonda, kangi aligwesa isakwitika ikyene.

⁹¹ Yeso alinkuti, “Umwe mwe munyu gwa kisu. Linga u munyu gusükile, ugwene ukufuma pala nnunu kuli nakimo,

gutagigwege nukukanyangigwa ni kilundi kya mundu.” Linga ugwe uli itolo gwamunyu gwimwene, ikyene kikaya kinunu mma. Loli linga ugwe uli nu bunoge mu gwene, ugwe yaga gwamunyu kangi i kisu kisakuyaga kyakyumilwa. Ugwe yaga gwamunyu, abene bisakuyaga bakyumilwa. O, mwe!

⁹² Imbepo insongi sikusōka panja, imisyētano pasi pakwifisa. Keta, uswe tuli mu lisiku lyabumalikisyo. Uswe tuli ku kabalilo kabumalikisyo. Iksu kyo itolo kifuki ukwitendekesy ukwisa kuntu gwake, ngati ilyulu ilyakilonda pabuyobumo ili likuyaga pakupufuka lumo mwa masiku aga kangi ikikongoti kisakunyela ukufuma mu kyene. Ikyene kisile ukuya kyakinyanyasi. Yikayapo ni nyemba yibagile ukubumbulusya ikyene. Abene bapīkile i—i lilopa. Abene bapīkile ubugangulo. Ugwe kwega ilyuli likutupuka pala, kangi linga ugwe utikunwa penicilini pamo ikindukimo ukulitika ilyene panja, pamo ikindukimo ikingi, ilyene lisakumilisyaga ukutupa mpaka ilyene lisakupufuka.

⁹³ Ikyo kyo iki ikisu kibomble. Ikyene kyalyandile, pakaya patali mma, ukwisya pasi. Abene basokilepo pa fundo ingulumba inywamu, imbepo insyobi sikwingila mula nukwanda ukubabula abandu *iki*, *kila*, pamo i *kingi*. Uswe twabongotwike mosa mu fipanga-fipaguке bamia lwele-nayumu nukongelelapo, kilikyosa kili nu buketelo ubukindane. Abene bikuyoba, “Uswe tukwitika *iki*, popapo! Ikyo kyosa uswe tukwitika.” Abene bakabagila ukundeka u Mbepo Mwikemo ukwisamo mula. Abene bakabagila ukuya nu bwabuke-bwa-njila. Kyala ali ni kipambo kya bandu aba babagile ukuywega, polelo aligwesa alinkufimbilisigwa ukuywega. Abene bali nabo bamo bikuyobela mu ndimi, polelo aligwesa afimbilisigwaga ukuyoba nu ndimi. Abene bali nakyo ngati iki, mpaka ikyene kisile ukuya (fiki?) naloliloli kibwapuligwe ni mbepo insongi, ukusonga abandu ukubomba ifyakitima ifi akabalilo kako akayamo Kyala mu kyene na panandi. Polelo abene bikusoka panja nukwakwitugala uluko lulilosa lwa bumi abene bikunyonywa, kangi polelo bikukikolela ikyene “Kikristi.”

⁹⁴ Kangi ikisu kikwitugasya nukuketelela, kikuyoba, “Mulimosa, keta kula! Une mfwene itolo na mumo abene bayilile.”

⁹⁵ Mumo une nayobile ikilo ikingi isya ngulube, isya ntulwanongwa. Ugwe ukabagile ukuleyanila... Untulwanongwa yo ntulwanongwa. Komma ukugela ukumbumba-kangi mma. Komma ukugela ukumbula umwene *iki*, *kila*, pamo *ikingi*. Umwene yo ntulwanongwa, ukwanda itolo. Umwene yo ngulube, ukwanda itolo. Umwene atikumanya nakimo ikitindane. Linga umwene ukubuka ku fyakuketelelaktelela, kangi umwene ikubuka pa Ndungu, kangi umwene ikubuka ku ngino sya mpila, kangi umwene

ikubomba ifindu fyosa ifi, umwene yo ntulwanongwa, ukwanda itolo. Ubupeligwa bwake buli ngati ngulube. Ingulube yaiyolo yikulasa imbulo yake pasi pa kilundiko kya mīndu nukulya iseke syosa ukufuma mwa kyene, kangi kilikyosa; mulimosa, yula, umwene yo ngulube. Ugwe ukabagile ukundeyela umwene. Umwene yo ngulube. Iyo yo njila na batulwanongwa. Loli akabalilo kako ugwe kubuka nukwikolela gwmwene Nkristi, kangi ukulasa imbulo yako nkati nu mwene, polelo ugwe ukaya nnunupo ukukinda mumo umwene ayilile, loli, ugwe ulipo mbibipo. Soka panja ukufuma mu kyene. Lekelesya i kisu. Lekelesya. Mwitikisyia Kyala. Lekelesya.

⁹⁶ Ngimba ugwe kulekelesyaga bulebule? Polelo abandu bingi fiyo bikuswiga, “Ena, Nkundwe Branham, ngimba ugwe kubombaga bulebule?” Une mmenye umwe mupilike ikilundiko kya bufundakyala pa ikyene, “lekelesya.” Ikilundiko kya bandu itolo bikwiyula na mafuke, bikugela ukulekelesya. Abandu bingi bikwisa ukusyungutila nukuyoba, “Une nabukaga pakuya nu lupīka findu kwa masiku-malongo-mana ukuti une mbagile ukubomba ikindukimo.” Ugwe utikufumbwa ulupīka-findu lwa masiku-malongo-mana. Ugwe kufumbwa ukulekelesya ikitu na fyosa ifi ifindu fyamohesi, nukwega i Lisyu lya Kyala mu ndumbula yako. Ugwe kulondigwa ukumanyisigwa akabombelo ka ikyo. Ugwe utikubomba ikyene ukwisila mu kunyela-nyela pamo kubomba ikyene pa lupīka-findu lwa masiku-malongo-mana. Ugwe kubomba ikyene ukwisila mu ndumbula iyakwiypa kwa Kyala Mwenemaka.

⁹⁷ Bo u mwana unnini. Une naketesisyé u mwana gwangu unnini kunyuma kula, u mama gwake ikugela ukumfwika akajāsi akanini pa mwene, ulubunju ulu. Umwe alondaga ukubika akakongi akanini akaiyolo nkati mwa kiboko kya jāsi. Umwene alinkutoligwa ukubika ulukongi lwake nkati mula; umwene akamenye bulebule. Ugwe kufimbilisigwa ukulongolela akakongi kake akanini. Umwene ikulonda ukufikisyia ulukongi lwake nkati mula, loli umwene yo itolo ikwikomania mosa ukusyungutila ikyene. Umwene atikufikamo siku ku kiboko kya jāsi. Umwene amenye umwene akaya nkati nkiboko kya jāsi.

⁹⁸ Kangi momumo ugwe umenye ukuti ugwe ukaya kanunu na Kyala, akabalilo kako ugwe ukāli kuheha, kusyoba, kubomba kilikyosa. Ugwe ukabagile ukuya ntalusye na Kyala, une ndikupasya fyo fipanga filinga ugwe kwingilako, mpaka umoyo gwako gwikwisa ukuya mpinduke. Nkundwe, ikyo kyo kabombelo kaiyolo, loli ikyo kisa kusefukilaga pasi nukubika u imposya mu moyo gwako. Kitalusya!

⁹⁹ Ikugela ukubika ulukongi lwake nkati, umwene ikufimbilisigwa ukuya nu munduyumo ukuntalusya umwene nkati, akabikilo ka lukongi lwake nkati. Polelo akabalilo kako umwene ikufikisyia ulukongi lwake mu ka jāsi akanini, umwene amenye umwene ali ntalusye mosa.

¹⁰⁰ Iyo yo njila ikyene kiyilile na aligwesa u Nkristi umpapigwakabubili. Akabalilo kako umwene naloliloli ikufika mwa Kyala, umwene ikuketesya ubumi bwake ni Lisyu lya Kyala kangi umwene ikusyagania umwene agolwike mosa na kapatu kalikosa ka Ilyene. Umwene ali nako ukukubilwa, bololo, bwakimyemye, lwiyisyo, maka, lwitiko, lugano, busangalufu, lutengano. Umwene atikupusanika paliposa ngati sumbi unsambuke. Umwene atikupasya isya kandu kalikosa akanini. Umwene atikunyela *apa* kangi *apo*, ngati kyakwigalilila kya supa pa nyanja ya mbelo. Umwene abikigwe. Indumbula yake yo mbelelesye. Aminogono gake go mapelelesye. Ifinyonywo fyake fyo fipelelesye. Ifyakusalapo fyake fitalusye. Kangi umwene amenye umwene agolosyene mosa ni Lisyu lya Kyala. U gehena gwesa akabagile ukunguta umwene. Umwene agolosyene ni Lisyu lya Kyala. Umwene ali nalo u lugano Lwabunyakyala, ubupelelesye mu ndumbula yake, kuli aligwesa u nnyambala nu nkikulu. Umwene ali nakyo... Umwene epwikeko ku findu fya kisu, ifyene fifwile ku mwene; umwene atikufilonda ifyene kangi mma. Fiki, ugwe ukaabagile ukutendeka undindwana gwa Mbepo Mwikemo ukufwala tubili twa gila imyenda imiboneke-misitabunyakyala nukusoka panja pala panongwa ya nakimo. Umma, nkulumba.

¹⁰¹ Lilino, bukayapo ubufumbwo ukubuka nukwakumbula umwene ukuti umwene yo nsobi, 'nongwa yakuti umwene atisakukwitika ugwe, panongwa yakuti ikyo kyo kyosa iki umwene amenye. Kila bo busangalufu bwake. U nkikulu ikufwala ifindu ifinini fila; abene bikusoka panja, ubwa namayolo, itolo akabalilo kako abanyambala bikwisa ku kaya; abene bikwisa itolo ukusenga ilisi pa lubingilo, popapo bo... Kangi mbula une ikyo kyo kitalusye? Nkikulu, une ndikusanusya ukuyoba ugwe gwe—ugwe gwe mbibi. Une ndikusanusya ukuyoba ugwe gwe gwabulogwe. Loli ugwe utikusyagania, kalumbu, ukuti imbepo imbwapufu yikukamandile ugwe. Ngimba ugwe kubombelega fiki ikyo? Ugwe uli na mahala gakufwana ukumanya ukwene kukaya kitalifupo. Ukwene kupilepo. Yilipo imbepo imbibi.

¹⁰² Ugwe kuyoba, "Une? Une, une nabükile ku kipanga!" Nebukadinezara ali nnyambala unkulumba. Loli, panongwa yakuti umwene alinkuya gwamatati, Kyala alimpele umwene imbepo ya ngambako, nukundeka umwene ukulya ilisu ku fyinja fihano-na-fibili, kangi ifyala fyake filinkukula panja ngati bambo mwa bakikulu aba bikubomba ukusyungutila kuno. Uko ko kutalusya. Kangi umwene alinkuya nkabigwe ni misyētano.

¹⁰³ U nnyambala alinkukabigwa ni misyētano kangi alinkufūla imyenda gyake. Abene balinkutoligwe ukufwika imyenda umwene. Ngimba umwe mukuketa iki une ngusanusya? Isyene syo mbepo insongi.

¹⁰⁴ Ikipanga kyako kikwitikisyana ni kyene. Undumbilili gwako

ikutila ukuyoba kalikosa, ikutila ukuti ugwe utisakuhomba ifyakalongo fyako kangi mma. Iyo yo nongwa. Ulo lo lutamio. Mwe, bununu! Ugwe kulumbilaga bulebule ku kipambo kya bakihobe, pene papo ugwe kubafikisyu abene bapinduke kangi batalusye na Kyala, ukwanda nukwanda? Abene bisakubyala imbulo syabo mu findu ififwano akabalilo kosa. Iki ugwe kufumbwa ko kutaga panja, nu lusasanio lwa kabombelo-kaiyolo lupyagile ukufuma ku kiloboko mpaka kiloboko, nukubega abanyambala na bakikulu bayege batalusye na Kyala. Unko hobola, ifindu fya nkisu! Unko hobola, u bupepe ubulumbilili ubuganje-nubutofu. Ameni. Lumbilila i Nongwainunu. Kyala ãyobile lulo. “Linga ugwe kukigana ikisu, pamo ifindu ifya nkisu, u lugano lwa Kyala lukayamo na mwa ugwe mma.”

¹⁰⁵ Abandu babagile ukunyela-nyela, nukuywega ikilo kyosa, nukuyoba mu ndimi kiliti bo konelela imbange pa kipapa ikyumu kya ng’ombe; ukwenda palapala panja, ulubunju ulwakilabo kyake, nu bugasi ubwakufwana ukulwa ubwide ni kikekela-matapwa iki kikubuna, ukubuka nkyeni panja nukwakuyoba ikindukimo nkipanga iki kisakutendeka ikipanga kyosa ukupagukana. Ikyene kyo nakimo nkisu loli insongi, imbepo syamisyétno! Mukulonda ukugomokela ku Lisyu, kuko Kyala yo bupelesye, mwikemo. Ameni. Uko ko katalusya. Imbepo isyobi ukulwana ni Lisyu lya Kyala!

¹⁰⁶ Apa alipo u nnyambala yumo, pakaya patali mma, alikwega unkikulu unnini... Aba Katolika bali nabo kalongo-na-babili ukukilania kula. Nkabalilo kake ka kuleka-kupapa, ikyene kikusôka panja mfiboko fyake kangi nkipulilo kyake. Linga unnunu u ndumbili gwa Mbepo Mwikemo... Une ninogonaga. U nnyambala yula âli ni supa ya findu fimo, ukufuma mfiboko fya nkikulu, ikubuka ukusyungutila ikupaka abandu ni kyene. Whuu! Kisa! Ikyene kyo ndwana-na-kristi! Une ndikupasya linga lilopa likusôka ukufuma mu mbulo syake pamo untu gwake, pamo ko kugu, nkundwe, likayapo i lilopa lisakwega ubuyo bwa Yeso Kristi u Mwanundumiana gwa Kyala. Iyo lyene i Lilopa une mmenyepo kalikosa. Umwene abagile ukuya na mafuta gikoneka ukufuma nkiboko kimokyene, kangi ubwalwa bwa mafilu ukufuma mu kingi, loli, linga ugwe kubombela ikyene mu luko lulilosa lwa bwiputi, ikyene yo mõhési. Ukuketa mumo abalumbilili bisakugwila ku findu fya luko ulo bo ifyo!

¹⁰⁷ Ifi uswe tukufumbwa, ukugomokela ku Buku Gwakulongolela, ukugomokela ku Lisyu lya Kyala! Ili lyo Lisyu lya Kyala, ilisayigwe ilyaiyolo i Bângéli. Yoba, “Mulimosa, une ngutila ukwisa kuya ikyo, Nkundwe Branham. Une ngutila nisakutaga bumuo mwa busangulufu bwangu.” Ngimba kitamisyenkyo fiki? Ugwe utikumanya iki ubusangalufu buli.

¹⁰⁸ Une njobile une ndinkuntaga u kinwelwa panongwa ya kubuka panja nukwakugala. Umwene yo mosa gwalwipiliko.

Umwene akamanya. Umwene ikusumuka, ndubunju, umwene ali ni sulumania, ukusyalikilamo. Ikusōka panja nukwakwiye gela mwene i bili pamo i tatu isupa sya bwalwa, kangi ikusōka panja nukwakwiye gela mwene tumo twa kachasyo, nu luko losa lwa findu.

Unnini umfipa ingambo ikwitugasya ukwigemekesy kunyuma kangi ikukwesa, nukuputila mmwanya ukwisila mu mbulo syake aliti umwene bo sitima ya kupimbila-misigo. Ikyo kyo kyosa. Une ndinkundeyela umwene; ubo bo bosa busangalufu ubu umwene amenye. Ikyo kyo kyosa umwene amenyepo. Umwene yo ngulube, mu bupeligwa.

¹⁰⁹ Soni kwa umwe mwe mukwifumusya ukuya Nkristi kangi mukusubila pa findu bo ifi ukuya busangalufu, akabalilo kako i Nongwainunu ya Mbepo Mwikemo yikaya nakimo loli yimo ingulumba inywamu inyumba-yamaka ya busangalufu. I Nongwainunu ya Mbepo Mwikemo yo bugāle ubupelelesye kuli u mundu aligwesa uyu ali nafyo ifyakusumanisyia fila. Ugwe kunwa ikyakunwa kya Nongwainunu ya Yeso Kristi, kuyaga mwisisigwe na Mbepo Mwikemo, ugwe ugele mpaka ugwe kusokamo nkisu iki, ameni, ubusangalufu ulusitakuyobigwa kangi gwisusigwe nu lwimiko. Kulipo ukunyen yemusigwa kwa kingi-kingi. Ubwene bo bugāle ubwa kingi-kingi, ugele pamusi na pakilo! Ameni. Ilyo lyo Lisyu lya Kyala.

¹¹⁰ I kipanga kikwisa ukusyungutila, kikwegelela ikindu ikingi. Abene bikwifimobilisya ukuya na kalusekelo akanini kuko abene bosa bikubuka nkyeni ku kiloboko, ukuya nu kwikyela. U lwa njuga ulusekelo lwakwissa palikimo, ku bulilanisi. Uko ko kutalusya. Ukuya ni kimogo, utubalilotumo, ku nyumba ya yumo gwakipanga, utubalilotumo nkyumba kya pāsi nkipanga. I kimogo, ukwegelela, ukugela ukwega ikindukimo ikyakwikutisya. Ngimba kitamisyé kyo fiki? Abene bo kipambo kinywamu kya ngulube, mulimosa. Abene bo ngulube, ukwanda itolo. Linga abene babagilemo siku ukwisa mu bulungisanio na Kristi, abene angali bikuya nu busangalufu bwingi fiyo, ifindu fila angali fikuya fifwanopo ukukinda pakilo pakati ku bene. Nongwainunu, bagele mwa Mbepo, ubusangalufu ubusitakuyoba kangi twiswile nu lwimiko.

¹¹¹ Komma ukuntaga u ntulwanongwa; yaga ni kisa pa mwene. Unko umwene akindililege nkyeni nukukwesa ilipaipi lyake, ndeke umwene anwe ubwalwa bwake, ndeke umwene ayege nu lusekelo lwa njuga. Ubo bo busangalufu bwake. Komma unkundeyela umwene. Ikwisa kunyumba na filifyosa, akatele kangi amalike mosa, umwene ikulonda akasangalufu kamo. Ikindu kuli ugwe ukubomba ko kwitugala ubumi bumo ubwa bunyakyala mpaka ugwe ubagile ukusisimikisyia ku mwene ukuti i Nongwainunu yikukolelela kaelifu kalongo ukukindapo kila, ku mwene. [Ubuuyo busitakandu pa topo—Nsimbi.] Kangi linga umwene ikufwa nkayilo kala, umwene isakubuka ku

gehena, pa bwalwa bwake. Ubo bo bugale bwa mohesi. Linga umwene ikufwa, ukukwaba pa lipapi ilyaiyolo lila, Kyala yo Ndongi gwabo. Linga umwe ikufwa, ikusōka panja apa, ikumoga, nukubopabopa ukusyungutila bafwele imyenda gyabulogwe, Kyala yo Ndongi gwabo.

¹¹² Loli kilipo ikindu kimokyene, linga ugwe kufwa pasi pa bupakigwe bwa Maka ga Mbepo Mwikemo, bo mumo Stefani ābombole akabalilo kako umwene aketile mmwanya nkisyō kya Kyala, āyobile, “Une nguketa ku Mwanya kwigwike, kangi Yeso imile ku kiboko ikitalusye,” ugwe uli ntalulila ku Mwanya, nubwengo ngati mbelebesya ku bokosi lyake. Ameni.

¹¹³ Imbepo insongi ukulwana ni Lisyu lya Kyala! Unko hobola, lekelesya. “Ngimba ugwe kubomba bulebule, Nkundwe Branham?” Itolo lekelesya. Ikyo kyo kyosa iki ugwe kufimbilisigwa ukubomba. Ega i Lisyu lya Kyala. Komma ukugela ukwiylila pa nakimo. Komma ukubuka ku kigemo nukukoma pa kyene, nunjwego, “Kyala, mbaga une u Mbepo Mwikemo! Ntwa, mbapo une u Mbepo Mwikemo!” Umwene atikwisa mma, ugwe kukoma pa kigemo kila. Ikyo kitikubomba ni kinunu nakimo. Umma. Iyo yikaya njila yiyo Ikyene kikwisila. Ikyene kyo, ukummwega Umwene pa Lisyu Lyake!

¹¹⁴ Keta Peteri. Peteri āli mbutolwe, abonekaga aliti umwene ayaga pakufwa. Kangi umwene alimbwene u Ntwa ikwisa, ikwenda pamwanya pa misi. Kangi umwene alinkuti, “Gwe Ntwa, linga uyo kuyaga Ugwe, ngolelaga une ukwisa.”

Ntwa alinkuti, “Isaga kunokuno.”

¹¹⁵ Lilino Peteri aayobile, “Lilino gulila panandi, Ntwa, unko une mbuke pa lupīka-fyakulya lwa masiku-malongo-mana, ukuketa linga une mbagile ukwenda pamwanya pa misi, pamo mma. O Ntwa, unko une njenagwe u Mbepo gwakufwana pa une, ukuti une mbagile ukumoga mwa Mbepo nu kuyoba mu ndimi, mu bwato ubu, polelo une mbagile ukukanyila panja”? Umma nkulumba! Umwene alinkwega Kyala pa Lisyu Lyake, iyabula nu kulekelesya. Kyala alinkummwega umwene ukukindilila.

¹¹⁶ Bule linga Kyala alyagene na Mōse, kangi Umwene āyobile, “Mōse, buka pasi kula mu Igupti, kangi kambule Farao, ‘Baleka abandu Bangu babukege’”? Bule linga Mōse āyobile, “Unko une mbuke pa lupīka-findu lwa masiku-malongo-mana, tasi, nukuketa linga une nguyaga nu lwitiko lwakufwana ukupilikila Ugwe, Kyala. Mbapo une ikindukimo, ikindukimo ikingi, Ntwa. Unko une ngubule Ugwe ikindukimo, unko une ngete linga une ngufika mwa Mbepo, tasi”? Mōse akalalusisyē namalalusyo nagamo, umwene alyegile Kyala ku Lisyu Lyake, kangi alinkubuka. Iyo yo njila iyi ugwe ubagile kubombela ikyene, mwega Kyala ku Lisyu Lyake. Polelo ugwe kumanyaga ugwe ubagile ukubomba ikyene. Umwene akāgūlile mpaka

ikindukimo ikingi kyabonike pa buyo, umwene itolo alinkubuka nkyeni nu kwakubomba ikyene.

¹¹⁷ Bule Eliya, akabalilo kako umwene ikusuluka pasi pa Kyamba Karameli, ãli pamwanya pala akabalilo katali? Kangi umwene alyagene nu ndondo unkikulu umfwilwe. Umwene ãli u...Umwene ali nhesa, u Gwapanja. Kangi akabalilo kako umwene alyagene nu mwene pasi pala, umwene asalaga utubabu, ndubingilo. Kangi Kyala ãlimbulile umwene, “Buka pasi pala ku nyumba ya mfwilwe yila.” Bo buyo buki kuli undumbilili ukubukako!

¹¹⁸ Apa umwene ikubuka pasi pala ku nyumba ya mfwilwe. Kangi akabalilo kako umwene ãbõmbile, umwene ãli ni mbabu ibili. Alinkuti, “Ngimba ugwe kubomba fiki?”

¹¹⁹ Alinkuti, “Ngusala tumo utubabu. Une ndinabo itolo ubufu bwakufwana ukutendeka utusyesye twafilombe tubili. Ikyo kyo kyosa une ndinakyo kisyele. Filipo ifyinja fitatu ukufuma papo uswe twâli ni fula yiliyosa.” Kangi alinkuti, “Poleli une nguyaga pakutendeka ifisyesye fyafilombe ifi. Kangi une nu ndumiana gwangu tukuyaga pakulya, nu kufwa.”

¹²⁰ Umwene alinkuti, “Ntendekela kamo une, tasi!” Haleluya! O, une mmenye une ndi gwafigili panandi panini, loli une ndikulubafu lwa Ntwa, mulimosa. Aatile, “Ndendekela kamo une, ukwanda. Kabuno, ISI SYO IKUTI U NTWA.” Mwaketa lelo umwe.

¹²¹ Ikyene kyo fiki? “Londesya ugwe ukwanda Ikitangalala kya Kyala, nu bwikemo Bwake.” Komma i Kitangalala kya Kyala kangi “akogo akanini,” komma i Kitangala kya Kyala kangi “akatima akanini,” komma i Kitangalala kya Kyala kangi “akanini aka na kala.” Loli, “Kyala, nu bwikemo Bwake, kangi ifindu ifingi ifi fisakongelegiwapo kwa ugwe.” Abikigwe gwakwanda!

¹²² Lilino, umfwilwe yula ãpilike kila. “Ulwitiko lukwisa mu kupilika, ukupilika ni Lisyu.” Umwene alinkuti, “Ilyo lyo Lisyu lya Ntwa, kabuno yula yo nnyambala mwikemo. Uyo yo nsololi gwa Kyala, kangi une mmenye ubwene yo Bwanaloli. Kangi ilyo lyo Lisyu lya Kyala.”

¹²³ Lilino, umwene akabopile ukukilania ukwakulalusya abapalamani akabombelo ka ikyene. Umwene akalondilemo ukubuka ukwakuyabana ubwake...nukubabula abapalamani, ukuyoba, “Lilino, ngimba umwe mukwinogona fiki? U ndumbilili yula ali ku nyumba yangu, ikuyoba *iki*. Susie, ngimba ugwe kwinogona fiki ifya *iki*?”

¹²⁴ Umwene alinkwingila nkati, alinkwanda ukutaga mosa. Umwene alinkwihibola. Umwene alinkwihibola isya ifi umwene ãli nafyo, ukuti umwene abagile ukukaba ifingipo. Ikyo kyo iki ikisu kikufumba umwisyugu, ko kwakabombelo-kaiyolo ukulekelesya ikyo iki ugwe uli nakyo. Haleluya! Umwene

alinkutaga panja, ukuti umwene abagile ukwisusigwa losa. Umwene alinkutaga gosa amafuta umwene āli nago, kangi amafuta gosa umwene āli nago kangi bosa ubufu umwene āli nabo, ku ndumbilili, ukubuka ku Kitangalala kya Kyala. Kangi akabalilo kako umwene ātagile ikyene kyosa nkati mula, Kyala ikusuluka pāsi, ukwisusya ikilundu kya bufu, ukwisusya ikipake kya mafuta. Umwene alinkukitaga ikyene kangi, mu sahani ya ndumbilili. Kangi Ikyene kikwisa pala, kilinkwisisya ikyene mosa kangi. Umwene alinkutagila nkati. Akabalilo kako umwene ātagile, Umwene isusyaga.

¹²⁵ Une nisakuyoba, umwisyugu, linga u nnyambala isakutaga panja fyosa ifya butoyofu ubu ubwa ukwendendeka, nu kwegelela i Kikristi, kangi nukundeka u Mbepo Mwikemo ukwega ubuyo Bwake, pala pisakuyapo ulusasanio lukwandapo pa Ngindi Yalwele na Penn ulu lwisakupyāgila ikisu kyosa. Leka ubutoyofu. Gomokela ku Lisyu lya Kyala. Taga panja, ukuti ugwe ubagile ukwisusigwa mosa. Ugwe lekesya, kangi Kyala isakwitikisa ukwisa. Ugwe taga panja, Kyala isakwisisya ugwe nkati. Fyosa ifindu ifinini, ifya, “Ugwe ubagile ukubomba *iki*, kangi ugwe ubagile ukubomba ukubomba *kila*; kangi ugwe kufimbilisigwa ukubomba *iki* kangi kufimbilisigwa ukubomba *kila*.” Ibwa ikyene! Taga ikyene panja pa moyo gwako!

¹²⁶ Yoba, “Kyala, unko une, ukufuma ili lyosa . . . ilisiku ili, njego gwesa Gwako. Ntwa, une ngwisa ni ndumbula imbogotoke. Une ngwisa ni mbepo insulumanie. Une nguganile Ugwe. Ugwe umenye une nguganile Ugwe. Kangi une ngulonda ukwibwa bosa ubu ubutoyofu bwa fyosa ifi ifyakupīka-ifindu fya masiku-malongo-mana nukuketa linga une mbagile ukwisa kifuki na Kyala, kangi kyosa *iki, kila, i kingi*, bosa ubu ubutoyofu.”

¹²⁷ Imika ikyene! Kikayako nakimo mu Lisyu kikukubula ugwe ukuya nu lupīka-findu bwa masiku-malongo-mana. Nakimo ni kindu. Kikayako nakiimo nkisu kya pasi kikukubula ugwe ukupīk'ifindu, pene papo Kyala ikukubula ugwe. Linga ugwe kupik'ifindu, ugwe utikuyaga gwanjala, nukubuka fyosa ifindu ifi. Bo ugwe kupik'ifindu, nkundwe, ugwe kwisakuyaga nsangalufu kangi nhoboke akabalilo kosa. Ayobile, “Komma ukuboneka pankyen'i pa bandu bo mumo abasyobi bikubombela, ni fisyo ifitali, ifisulumanie. ‘Une ndi pa lupīka-findu lwa masiku-malongo-mana. Amino-gabutungulu gangu gatisakumfwanu une kangi mma. Une ndāgile amapaundi malongo matatu, kangi abene bambulile une une nguboneka kanunupo linga iki kimalike.’” O, butoyofu! Ikyene kyo mbepo insongi sya mohesi.

¹²⁸ Ukubuka pamwanya pa kigemo, nukuyoba “lwimiko, lwimiko, lwimiko” mpaka ugwe kifuki kutoligwa ukuyoba kalikosa akangi, kangi kuyoba, “Ugwe kufimbilisigwa ukuyoba mu nndimi bo ukāli ugwe ukuya na Mbepo Mwikemo.” Butoyofu! Taga ikyene panja!

¹²⁹ Sosyapo ikyo ukufuma mu kipanganio kyako kangi isa pa Lisyu ly a Kyala! Umwene alinkuti, “Pinduka, aligwesa gwa umwe, kangi osigwaga mu Ngamu ya Yeso Kristi ku buswe bwa mbibi syinu, kangi umwe mwisa kwambilila ikyabupi kya Mbepo Mwikemo.” Kyala atikukyunga i Lisyu Lyake, Umwene akaya yo Kyala. Ameni. Taga panja. Isusigwaga. Ameni. Whuu! Une nkiganile ikyo. Ilyo lyo lisyu Lyake. Kyala ãyobile lulo. Uko ko kutalusya. Kangi akabalilo kako Kyala ãyobile ikyene, Kyala isakupãkisya ikyene. Umma ndaga. Ifyakwitendekesy fyosa ugwe kutendeka, kôsa ukubuka ku kipanga ugwe ubagile ukubomba . . .

¹³⁰ Ikyene kyo itolo ngati pasi apa ku mbombo sya magali kuko abene bikuyenga ikipambo ikinywamu kya misigo, pamo, ikipambo ikinywamu kya magali ga gakupimbila abandu. Une nalisibile ukubomba kula. Kangi abene bikwega nukuyenga imigileta iminywamu gila na filifyosa, nukubika amatapwa amakafu, igyaligwa-nkati isendelela ukusyungutila mosa, na filifyosa fimogi fiyo, ukubika ikyene panja pala pa njila, kangi ikyene kyalí kifwano bo gu nsumali gwa pakifigo. Pala yitugasyaga ingina, nagumo nu muyi mu yene. Umwene itolo itugasya pala.

¹³¹ Iki kikufumbwa umwisyugu go moto gumo mu nsefukilo. Iki kikufumbwa umwisyugu go muyi gumo. Iki kikufumbwa umwisyugu, i kipanga, uku sefukisia; ikindu ikyakusefuka ikipyano-ukukinda iki kilipo ukusefukila ubutulwanongwa panja pa bumi bwako, lo lugano. Kangi linga umwe mukabagila ukuganana yumo nu nnine, ngimba umwe mukunganaga bulebule Kyala Yuyo umwe mukambona? U lugano lukufisa ikilundilo kya butulwanongwa. Yaga ndugano na Kyala, polelo umwe mwisakuganana yumo nu nnine, polelo umwe mwisakukigana ikipanga, umwe mwisakuyigani Inongwa, umwe mwisakukigana kilikyosa iki kyabunyakyala, kangi umwe mwisakwiyunga ukufuma ku findu fya nkisu.

¹³² Imbepo insongi sikubuka ukusyungutila sikubabula abandu *iki, kila*, pamo i *kingi*, “Abene bikufimbilisigwa ukubomba *iki*. Abene bikufimbilisigwa ukubomba *ikyo*.” Ikyene kyo panongwa yakuti ifipanga-fipagu ke fifyukile mmwanya, kangi abene bali nu busetuli ubunini ubu abene bikuyoba, “Mulimosa, lilino, une ngwitika ukuti u nnyambala . . . Une ngwitika mu kindu kya luko lwa kuywega mu i Bângéli.” Uko ko kutalusya. Ubo bo bwanaloli. Abene balinkutendeka ikipanga-kipagu ke ukufuma ku kyene, “Akabalilo kako ugwe kuywega, ugwe uli nakyo Ikyene.” Loli ugwe ukuya nakyo.

¹³³ Ikindu ikyakukonga iki kyafyukile mmwanya, kyayobile, “Ukuyoba mu ndimi.” Uko ko kutalusya. Ikyo kili mu i Bângéli. “Mulimosa, akabalilo kako ugwe kuyoba mu ndimi, ugwe uli nakyo Ikyene.” Loli ikilundiko kya bene bikuyoba mu ndimi

kangi bakali nakyo Ikyene. Muketile? Ikyo kikya Ikyene. Umma, nkulumba.

Ikilundiko kya bene kyayobile, “Mulimosa, uswe tukufimbilisigwa ukusolola.”

¹³⁴ Keta abasololi aba apa ni mbembe pa mitu gyabo, bikunyela-nyela nukusolola. Mikaya alinkuti, “Umwe mwesa, aligwesa, mukusyoba.” Ameni. Kutalusya. Kyala atikwisa bo ulo. Kyala ikwisa ku ndumbula iyabwanaloli iyi yikwisa nu busulumanie, imbope ingonyoke. “Umwene uyu ikubuka panja, ikubyala mu masosi, kisitakwilamwa isakugomokelaga kangi ikusanguluka, ikutwala nu mwene imisigo imipala.” Ameni. Yaga ikyo kitalusyi, mwinangu.

¹³⁵ Fungi fiyo ifyabundamisyētano, imisyētano gikubomba mu myoyogya bundu! Ketesya kuko ikyene kikupāpa ifipaso fyake. Ketesya lo luko luki lwa bumi u mundu ikwitugala. Keta mumo abene bikubombela, ketesya injila abene bikubomba, keta iki ifinyonywo fyābo fili. Ikyene kyo itolo kisitakubagila.... Kangi linga une nababulile umwe ikyo, “Injila yene.... Apa gakwitugasya amagali, gosa kagolosigwe pamwanya apa. Kumwanya kuli mu Charlestown. Ugwe ukubagila ukwenda. Injila yene ugwe ubagile ukubuka, yo ligali. Kangi u nnyambala aligwesa uyu ukukilania ulukindi ikufimbilisigwa ukutwala mula i galoni lya petrolo.” Apa lilipo iligali lyake, loli linga umwene akaya nayo petrolo umwene akabagila ukwendesya ikyene. Mulimosa, ikyo kyo katikati, mbupelelesye i njila ikyene kiyilile ku Mwanya. Linga ugwe kufwa kisita Kyala, une ndikupasya mumo ugwe gwalitugele kangi magali malinga ugwe gwayengile, linga u lugano lwa Kyala lukayapo pala ukukukwaba ugwe mu Kitanganala kya Kyala, ugwe uyongile.

¹³⁶ Kilipo ikyakusosyako kangi ikyakongolelako. Kali bo bwingi buki ubwakyakongelelako ikusululuke iki kukubopa apa, linga ukwene kukaya nu lusambo ulwa mumfu, ikyene kitisakwasyamo siku. Uko ko kutalusya. Ugwe kufimbilisigwa ukubyāligwa, ukukitikigwa mu lugano lwa Kyala. O, nkundwe! Twala ikyakusosyako ni kyakongelelako kila palikimo, ugwe kwisakuya nu Lumuli, ulununu lwakabombelo-kaiyolo u Lumuli lwa Nongwainunu. Unko Ulwene lubalanilege ukufuma ku kiloboko mpaka kiloboko. Ugwe utisakuyamo siku ni Lwene kisita ikyene. Kali bo bwingi buki bwa kuponania nu kunyela ugwe ukabagile ukubomba ni kyakongelelako, ugwe kufimbilisigwa ukuya nu lusambo lwa mu mfu ukumulika u Lumuli. Ameni.

¹³⁷ Umwe muketesisyemo siku? Umwe mukubika ulusambo lwa mumfu apa pa iki, kangi akapatu kalikosa kakubuka kulakula ukugomokela apa mu bufumila-magesi, mulamula pasi ku mfu. Kangi akabalilo kalikosa u mundu ikuya abyāligwe kangi akitikigwe mu Lisyu lya Kyala, ikyene ikubyala kangi

kikukitika umwene mu Kalivari, kula, kuko i ngimu, imbanda ya kukungila ya Kyala yatwaligwe kula, ukumulika u Lumuli lwa Nongwainunu. Ameni.

¹³⁸ Ugwe umenye fyo fiki fitamisye? Abandu mu ifi ifikulumba ifinywamu ifyalwiho ifikyungila-abafwe panja apa, ukusyobekesyा ukuya bikulumbilila i Nongwainunu. U ndumbilili unnini ikwisa kwa une mmayolo, gwa kimo mwa fipanga-fipaguke ifikulumba-ukukinda ifi filimo nkisu umwisyugu, ukupagulako u Katolika. Umwene alinkuti, “Nkundwe Branham, une mbilwike kangi ngatele.” Alinkuti, “Abene bikuyaga ukututendeka twesa ba uswe balumbilili ukufwala imisyelekesye nukusyumbutusya abakolala ukusyungutila, kangi—kangi nukulumbilila ifindu fimo. Kangi abene bisakutubulaga uswe fiki ifyakulumbilila, sinda-gwasinda aligwesa.” Umwene alinkuti, “Une ngabagila ukwikasya ikyene kangi mma.” Umwene alinkuti, “Ngimba une mbombe kiliku? Ngimba une nandeko ukulumbilila i Nongwainunu?”

¹³⁹ Une ndinkuti, “Nkundwe, akabalilo kosa ugwe uli ni kipanga-kipaguke kila, kigindika ikyene. Ugwe yoba itolo iki abene bikulonda. Loli buka kula ku nkulumba gwako pamo u nketesi gwa kisu, kangi yoba, ‘Nkulumba, une mbapigwe kangi mwa Mbepo gwa Kyala. Apa lilipo i Lisyu lya Kyala. Linga ugwe kwisakunyitikisyaga une ukulumbilila Ilyo, une nisakusyala mu kipanga kyako. Linga ugwe utikubomba, une ngindile. Sanusya ubwene ku munduyumo uyungi.’” Iyo yo njila yakubombela ikyene. Komma ukwipusania paliposa ndisu. Komma ukuya gwakusosyako. Soka panja kangi yoba iki ikyene kili. Kutalusya.

¹⁴⁰ Umwene alinkuti, “Nkundwe Branham, ugwe kwinogona une mbagile ukuyanakyo ikilundilo?”

¹⁴¹ Une ndinkuti, “Kuko u Mfimba guliko, i Ngwasi sisakubüngána.” Uko kutalusya, abene bisakukongaga.

¹⁴² Bo mumo u nnyambala, akabalilo kamo, uyu apānjile inguku. Lilino, iyene yikaya sunga mma. Une ndikusanusya ikyene ukuya sunga. Une ngusanusya ikyene ukuya fundo. Umwene ayaga pakusikasya inguku syake, kangi umwene akāli nago amafumbi agakufwana. Umwene alinkubikapo ilifumbi lya lisekwa pasi pa yimo. Kangi akabalilo kako agene gosa gāpānjile, ilisekwa lyāli kindu kyakusekesya-ukukinda inguku syakibwenemo siku. Popapo i nguku-mama yikukuta ku nguku kangi utunguku utunini twisaga, loli ilisekwa likamenye injobeloyila. Loli, ilisiku limo, inguku-mama iyaiyolo yilinkusilongosya isyene panja kunyuma ku kibaga. Kaliko akasoko pasi kunyuma kwa kibaga. Akabalilo kako akasekwā akanini kanūngīsyē amisi gala, umwene alinkwanda ukubopela ku misi nu bukafu mumo umwene abagile ukubukila. Inguku-mama iyaiyolo yilinkuti, “klaki, klaki, klaki.” Kangi akasekwā

akanini kalinkuti, “hong’u, hong’u, hong’u.” Umwene atalulile ku misi. Fiki? Umwene ali lisekwa, mu bupeligwa. Akabalilo kako umwene anūngisyé amisi, nkundwe, umwene ātoligwe ukwiyunga kubutali ukufuma ku gene, namanga umwene āli lisekwa.

¹⁴³ Kangi une nguyoba umwisyugu, abandu balibosa aba naloliloli bikulonda ukummwaga Kyala, abene batisa kukyitikisyá ikipanga nakimo ukulagila ku bene ifindu ifi abene bakabagila ukwitugala, *kila* pamo i *kingi*. Linga ugwe uli nabo ubupeligwa bwa Kyala mwa ugwe, ugwe kwisakubuka ku bwikemo. Ugwe kwisakubuka i kindu ikitalusye. Ugwe kwisakwimila ikindu ikitalusye. Ugwe kwisakubomba ikindu ikitalusye. Ugwe kwisakwinogona ikindu ikitalusye. Ugwe kwisakwitugala ikindu ikitalusye. Linga ugwe uli lisekwa, ugwe kugagana amisi. Linga ugwe gwe Nkristi, ugwe kungana Kristi. Linga ugwe gwe mōhesi, ugwe kufigana ifindu fya mōhesi. Linga ugwe gwe kihobe, ugwe kulya ifindu ififwano. Linga ugwe gwe ngulube, ugwe kulyaga imindu. Ko kugu ugwe gulii umwisyugu? Kutalusyu. Ugwe kwiyobela ukuya pamwanya apa, kulya ifindu fya Kyala, polelo kusuluka pasi nukwibyalu nu mōhesi. Kilipo ikindukimo kisobi ni kyene. Sokako kukupilika ku sila imbepo; isyene syo misyētano. Kisitakupasya linga ugwe kufimbilisiga ukwima pagwimwene. Abanyambala na bakikulu aba bafikilemo siku ukuya kalikosa, kifuki, bafumile ukuya banyambala na bakikulu aba balimile pabene na Kyala.

¹⁴⁴ Keta Mikaya, mumo umwene ālimile pala; komma ngati lyalabwe lya Gibraltar, loli i Lyalabwe lwa Ngulilo. Umwene alinkuti, “Une ndisakuyoba nakimo...une ndikupasya iki i seminali yikuyoba. Une ndikupasya iki ikilundilo kyangi kikuyoba. Une ndikupasya iki u mwalafyale ikuyoba. Linga abene bikutumula umutu gwangu, une nisakuyoba kyene iki Kyala ikubika nkanwa kangu.” Umwene āli ntalusye. Umwene ali ntalusye.

¹⁴⁵ Kangi umwisyugu, abanyambala na bakikulu, komma ukupilikila ku iki ikisu kili nakyo kuli ugwe, bo bubombelo buki ikyene kili nabo, lo luko luki lwa buganguli bwa bakiteria abene balinabo, nukwiyobela, “Linga ugwe kwingila i kipanga, ugwe kwisakuyaga kanunu.” Ubo bo buganguli ubwabutungulu. Fiki? Ugwe ukāle uli ni mbungo ya butulwanongwa. Uko ko kutalusya. Loli une ngukubula ugwe ikindu kimokyene, nkundwe, iki kisakukugangula ugwe ukufuma ku butulwanongwa, ikyo kyo, isaga ku Lilopa ilipala lya Ntwa Yeso Kristi kangi isusigwaga na Mbepo Mwikemo, kangi ilyo lisakukugangula ugwe ukufuma ku butulwanongwa bosa, kangi ifinyonywo fyako fisakuyaga fitalule ku Mwanya, kangi ugwe utisa kuya na kabalilo ku findu fya nkisu.

Ngimba uswe twisakwiputaga.

¹⁴⁶ Gwitu Gwakumwanya Tata, akabalilo kako uswe tukuketa imbepo isi insongi pa bandu, kangi tumenye ukuti abene bikūgila ifindu fya Kyala, une ngusuma, Kyala, ukuti Ugwe kwisakuyaga nubukolelo bwa aligwesa u nnyambala nu nkikulu nkati muno umwisyugu. Unko ili liyege lisiku, Ntwa, ukuti abene bisakusyagania ukuti ubumi bwabo butikufwanikisania ni Lisyu. Kangi abene bapilikisyaga ku findu ifisobi, ifi u mōhési afumile pakubasübisa abene pasi ni fikalatasi ifyaiyolo fya True Story, ifyaiyolo ifibole ifyabutoyofu fya kisu, kangi ififwani fyaiyolo fya mafilimu kangi i televizioni imbwapupu. O Kyala, ifindunki ifisitakubagila ukuti u Nkristi ukuketako! Kyala, ikyene kikutupela uswe ukubina. Ugwe gwayobile ikyene kikukupela Ugwe ukuya mbine, ngati ukutēka. Ugwe gwāyobile, “Imbwa yikubuka ku matesi gāke, kangi—kangi ingulube yikubuka ku mbubunguluke bwake.” Imbwa yaiyolo yisakutēka ikindukimo. Nketa ugwayiyo umpapigwa mwasinda, abagilile ukuya, umundu unsyobi ikwisa ku kigemo, kangi ngati ugwe kuyaga pakutēka ikisu; ukāli kukyunga mulamula nkyeni, abēne bikugomokela palapala kunyuma nukulya ikindu kila kangi. O Kyala, kemesye i Nyumba Yako, Ntwa. Haleluya! Tuma Mbepo Mwikemo nu butobesigwe bummo ubwa kabombelo-kaiyolo ubu bwisekusuka injala ya mundu nu kusuka umoyo gwake, kangi nsuka umwene mosa nukumpela umwene kipeligwa ikitalula-Kumwanya. Mpapo umwene... Pupwa ubutubwa bwake ni fingo syake ngati i ngwasi, ukuti umwene abagile ukufyuka mmwanya nukukinda ifindu fya kisu iki, nukufyuka m'Mwanya kwisilya kuko umwene abagile ukuketa indamyo sikhwa pabutali. Paga ikyene, Ntwa.

¹⁴⁷ Ugwe gwalyegelelisye abasololi Bako ku syene, ku ngwasi, aba bali ni kisige kwa ngwasi, babagile ukusokapo kubutali mmwanya nukuketa ifindu akabalilo katali bo ikyene kyafikile pala. O Kyala, saya akapanga akanini aka. Saya abandu aba babo bikwisa apa. Saya abahesyā mfipata umwisyugu. Kangi unko abene bamanye ukuti i Ndumi iyi yikātalisiwe kwa mundu yumoywene nayumo, loli yatalusigwe fiyofijo, Ntwa, ku bala babo aba nubusolofu bali mu lufumbwo; tumenye ukuti ilisiku limo uswe tukufimbilisigwa ukwima palikimo mu bulungi bwa Kyala, kangi tumenye ukuti uswe twisakuyaga bakwamula panongwa ya kumanya u Bwanaloli kangi kisita kuyoba Ubwene. Tata, une ngusuma Ikyene kitisakwegeligwapo pa ndumbula yiliyosa. Mu Ngamu ya Yeso.

¹⁴⁸ Ni mitu gyitu ginamisigwe itolo a kabalilo, une nguswiga linga alipo umunduyumo apa ulubunju ulu abagile ukuyoba, “Nkundwe Branham, une mbilwiye kangi ngatele ifya findu ifinini ifyaiyolo. Une ndinayifo ifindu ifyaitolo ifi fitulike pa une pakabalilo katali fiyo. Une—une akabalilo kosa nguyoba napapo ngabagila. Une—une ngubomba ifindu une ndikulondigwa ukubomba, kangi une mmenye ikyene. Ikyene kyo kitikwisa

ukuya Nkristi mma. Une ndikulonda ukubomba ikyo; Kyala amenye une ndikulonda. Kangi une ndikulonda ukupilika ku mbepo iyaiyolo yila kangi mma. Ikyene kyo kindu iki kingyungile une pasi ubumi bwangu bosa, ukufuma kukuya nu lugano ulwanaloli kangi ubwabuke mwa Kristi. Une ngulonada ugwe ukunyiputila une, Nkundwe Branham, ukuti ikyene kisa—ikyene kisakundeka une ilisiku ili.” Ngimba ugwe kwisakufusyaga ikiboko kyako? Untu guligosa gwinamisigwe. Kyala akusaye ugwe. O, mwe, malongo ga maboko! Utunini utwaiyolo utwaitolo utundu, utunini utwaiyolo utundu utu tukukupela ugwe ukuyoba pamo ukwanda uluko lumo ulwa kwilumbusa ukunini nkipanga, kikupela ugwe ukwegapo ulubafu ni kindukimo ikingi bo ikyo. O, ikyo kyo kisita bonyakyala. Ikyo kyo kupagulania pakati pa bakundwe. Kangi komma ukubomba ikyo. Ugwe utikulonda ikyo. Ugwe utikulonda kila kangi utunini utundu twaiyolo, utunini utulyoyo twaiyolo na filifyosa ifingi, ukukukyunga ugwe pāsi.

¹⁴⁹ Yoba, “Kyala, une ndikulonda ikindu kila kangi mma. Une mbilwike kangi ngatele panongwa ya ikyene. Une nitendekisyé umwisyugu ukukitaga ikyene. Une ngwisa lilino, Ntwa, kangi une ngulonda ukusokako ku bwimi bwangu. Linga u nkundwe gwangu atikumbombela une kanunu, une nisakummwiputila umwene mulimosa. Linga u bāba gwangu atikumbombela une kanunu, une nisakungana umwene mulimosa. Linga unkasi gwangu atikumbombela une kanunu, pamo undume gwangu, une nisakubukaga pōsa, gwakwiyīsyā, pankyeni pa Kyala. Ntwa, une nguketa kwene ku ku Kitangala Kyako. Une ngulonda ilinogono lyangu ligoloke. Une ngulonda indumbula yangu yisusigwe nu busangalufu. Une ngulonda ukubuka pōsa, akabalilo kako ubutolwe bo naloliloli bukuywega ukusyungutila une, une pōpe ngulonda ukusyāla na maboko gangu mmwanya kangi indumbula yangu mbelelesye pankyeni pa Ugwe, Ntwa, mmenye iki, ukuti ilisiku limo une nisakwagana na Ugwe. Une ngulonda uluko ulo ulwa bwendelamo. Gwe Ntwa, mbela une ukuya ikyo, ukufuma ilisiku ili.”

¹⁵⁰ Ngimba ugwe ubagile ukufusyaya ikiboko kyako, umunduyumo uyu akafyusisye ikiboko kyabo akabalilo aka kakindilepo. Kyala akusaye ugwe. Kyala akusaye ugwe. Kalumbu, tupapo uswe ulusambo akabalilo kako uswe twinamisye imitu gyitu pasi. Bo bwinginki ngimba ugwe naloliloli kikusanusya ikyene? Komma ukukina lilino. Aka kakaya kabalilo kakukina. Aka ko kabalilo kakwambililila. Aka ko kabalilo aka ugwe kufimbilisigwa ukwaga Ikyene. Isaga, kitaga ikyene panja papapa lilino. Bule ugwe? Isaga, paga kyosa ugwe uli nakyo kwa Kyala. Yoba, “Kyala, une ngaya nafyo fangi fiyo mma. Une ne itolo unkasi gwa panyumba unnini. Une ngabagila ukubomba ifingi fiyo, Gwe Ntwa, loli une—une mbagile ukubala i Libangeli, une mbagile ukwiputa ilisiku

lililyosa. Une mbagile ukusopa panja fyosa ifyakinyanyasi mu linogona lyangu. Une mbagile ukusopa fyosa ifindu fila panja. Une ndobesigwe ikilundiko kya findu ifi undumbilili ayobile ulubunju ulu, popapo une—une ngutaga ikyene panja umwisyugu. Une ndikulonda ikyene. Kyala, nyisusya une nu lugano. Nyisusya une ni kindu iki kikumbela une ukugana undugu unkali-ukukinda une ndinagwe. Une naloliloli ngulonda ikyene, Ntwa.”

¹⁵¹ Akabalilo kako umwene ikukuba apa, ngimba ugwe utisakwisa lilino nukwima ku kigemo itolo pa kabalilo, akabalilo kako uswe tukubüngána ni lisyu lya lwiputo. Linga ugwe naloliloli kusanusya ikyo lilino, linga ugwe gwe naloliloli gwitendekisye ukukileka ikyene, ugwe utisakusokapo siku ikigemo iki umwisyugu na ikyo pa ndumbula yako, linga ugwe kwisakwisa gwanaloli. Kangi yoba, “Une ngwisa pasi pamwanya itolo ukwima, itolo i miniti, Nkundwe Branham, ena, akabalilo kako ugwe uli lisyu lya lwiputo na une, umundu aligwesa.” Une—une ngulonda ugwe gwise, iputa. Ngimba ugwe kwisaga lilino? Ni mitu gyitu ginamisigwe, ywani isakusumuka nukwisa ku kigemo, ukwima ukusyungutila i kigemo?

Ungangilania une mma, O Mpoki mololo,
Piliika inguto yakwiysisa yangu;
Bo Ugwe kukolela pa bangi,
O, komma ukungisania une.

Mpoki, Mpoki,
Piliika inguto yakwiysisa yangu;
Bo Ugwe kukolela pa bangi,
O, komma ukungisania une.

¹⁵² Kali ko kabalilo katali bulebule ugwe uli Nkristi, kangi ugwe pope uli nasyo imbepo innini isyaiyolo sila isi sikuyoba kwa ugwe, sikukupela ugwe ukalala, sikupela ugwe ukuyoba isya mundu yumo. Akabalilo kako umunduyumo ikwisa pala nukwanda ukuyoba isya munduyumo uyungi, ugwe kwingililapo nu mwene kangi, o, itolo ukubabopesya abene pasi. Ikyo kyo kisobi, nkundwe. Komma ukubomba ikyo. Ikyo kubumalikisyo kisakukyunga ugwe panja pa Kisumu ikifingigwe. Linga ugwe itolo uli nafyo ifindu ifinini ifyaiyolo ifi ugwe ukabagila ukuya nafyo, linga u lugano lwa Kyala naloliloli lukaya mu ndumbula, ngimba ugwe utikuyaga nkikulu kangi nnyambala, endaga apa nu kuyoba, “Kyala, papapa apa une nguyaga pakukitaga ikyene panja, ulubunju ulu, papapa apa. Une ngusôkapo pa kigemo iki mundu unkindane.” Ngimba ugwe ubagile ukwisa?

¹⁵³ Ngimba alipo untilwanongwa uyu nasiku akammwitikamo Yeso, kangi ugwe umenye ugwe gwe monangi, ugwe ukammanyá Umwene ukuya yo Mpoki gwako? Ugwe kuyoba, “Nkundwe Branham, ena, une ninogonaga une nali nubusangalusi bwingi. Une ngubuka ku fimoga ni sekelo na fyosa ifindu fila.

Une nguketelela uluko ulusobi lwa fibonesyo. Kangi une—une ngubala uluko ulusobi lwa fyakabalabala. Une ngubala amabuku gaiyolo aga gali nu tupango twa mwalo mu lyene. Une mu luko lumo ngwokyela ukubala ilyene.” Nkundwe, kilipo ikindukimo kitamisyé na ugwe. Ikyo kyo kyumilwa kyako; uketile, ugwe ndeka une ngete iki umundu ikubala, unko une ngete iki umwene ikuketelela, ikupilikisya ubwimbilo umwene ikupilikisya.

¹⁵⁴ Ilisiku ilingi, ngwisa kuno mwigali umundu yumo alinkufikila kula nukwasya i rediyo, uluko lumo lwa bwaiyolo ubwimbilo bwa mwalo. Une ndinkuti, “Simisya ikindu ikyo. Une ndikulonda ukupilika ikyo.” Fimo ifya i findu fyakutuongatyonga.

Alinkuti, “Fiki, une niganile ukupilika ikyo.”

Une ndinkuti, “Ikipeligwa kyako kisobi. Ugwe uli nsobi.”

¹⁵⁵ Akabalilo kako une nāli panja apa, amasiku manini ukufuma pala, pamwanya pa lubafu lwa kyamba pamo ulubafu lwa kāmba, kulob’iswi, nu mundu yula. Utuyuni utunini tula twimbága. Abakampwekele bikuywega. Iliyogoyela ilyaiyolo lyapululukaga mmwanya mu mbepo, pamo imbeta, yikwimba indufyo. Une ndinkulálata ku ndumiana yula, une ndinkuti, “Keta, ndumiana, ubo bo bwimbilo bwangu. Umilisyaga ukwasya ubo. Iyo yo rediyo yangu. Kyala ikutuma isyene pasi ukwimba kwa une akabalilo kako une ndi kuno. Ikyene kikunsubisyá u moyo gwangu.”

¹⁵⁶ Kanunupo ukukinda fyosa ifyaiyolo ifindu ifyilemafú, ifi ifyaiyolo ifyagumbagumba fikubuna, fikukíndilíla, kuko ugwe ukabagile nukulya mbuyo bwa kilundilo. Ikyene yo bulyo bwa mohesi. Iyene yo nyumba ya mohesi, fyosa fibwapuligwe nu butulanongwa. Ngimba umwe mwesa umwe mumatigwe mosa panja pala nukwokyela ikyo? Akabalilo kako abene bikubika ihela sila mu fibokosi ifinini ifyaiyolo fila, kangi fyosa ifindu fyaiyolo ifibwapufu fikwisa pala, ugwe kwikyela ikyo? Soni pa ugwe. Ugwe gwe ngomokelakunyuma. Ugwe usokileko kwa Kyala. Ugwe ukammanyá Kyala. Linga ugwe ummenye Kyala, mu kuhobokela kwa mbíbi syako, ugwe ukabagilamo siku ukupilikisya ku butoyofu bo ulo. Ikyene angali kikuya kifwa kwa ugwe. Ugwe angali—ugwe angali kutéka ukufuma ku kyene. Ugwe utikulonda ikyene. Akalyelo kako kanunupo. Ugwe unganile Kyala. Ngimba ugwe utikwisaga ulubunju ulu, fugama pasi apa na bílate aba lululu ulu?

¹⁵⁷ Apa balipo abanyambala na bakikulu bafugeme papapa apa, aba báli Bakristi ku fyinja. Une ndinkupela abene ukuya bakayabakristi. Loli iki une ngugela ukubomba ko kubabula abene ukuti mohesi, uyu yo ukubapepetula abene, ikubakyunga abene panja pa Busangalufu ubwisule. U Mbepo Mwikemo yo Busangalufu. Nkundwe, une ngusumuka ngálile,

une ngwakugona nkitala ngālile, une ndi ngāle ilisiku lyosa ilitali, ndi ngāle ikilo kyosa ikitali. O, une itolo—une itolo ngukigana uku... Une ngibuka kukuloba iswi, une ne itolo, “Komma ukungisania une mma, O mololo Mpoki. Pilika ukulila kwangu ukwiyisyé.” Une ngubuka kukufwima, nukwakwimba indufyo sya Kyala. Une ngulumbilila, une...kulikosa une ngubuka. Ngimba utikulonda ukuya injila yila? Gwiswile na Mbepo Mwikemo, Ikyene kikunyenyemusya ugwe. O, mwe! Pilika sila sikhimba sila inyimbo isyaiyolo imbwapufu, umwe mubagile ukwimba iki:

Une ndalwile kuli i Kisu ikifingigwe,
Une ndalwile kuli i Kisu ikifingigwe;
O, ywani ikwisaga nukubuka na une?
Une ndalwile kuli i Kisu ikifingigwe.

Une ndalwile kuli i Kisu ikifingigwe,
Une ndalwile kuli i Kisu ikifingigwe;
O, ywani ikwisaga nukubuka na une?
Une ndalwile kuli i Kisu ikifingigwe.

Akabalilo kako une nisakufika ku lutusyo lula
ulwalusayo,
Kangi ukuya bwila nsayigwa!
Akabalilo kako une nisakuketa ikisyo kya
Tata,
Kangi mu kipambaga Kyake ukutusya?

Une ndalwile kuli i Kisu ikifingigwe,
Une ndalwile kuli i Kisu ikifingigwe;
O, ywani ikwisaga nukubuka na une?
Une ndalwile kuli i Kisu ikifingigwe.

¹⁵⁸ Ngimba ugwe utikwisaga, ukubuka nabo? Une ngukumbukila akabalilo kako kifuki bamia bahano ba uswe twimile ukukilania akabalilo kako une nosyaga mia yumo na malongo mabili, kukufwana akabalilo aka ka kyinja, pasi apa pa filoboko fya kisoko, akabalilo kako ingulumba i Nondwa ya Kulubunju yilinkwisa yikumulika pasi pa kisoko. Haleluya! A Masyu gikuyoba ukufuma ku Yene, galinkuti, “Ilisiku limo ugwe kwisakubalanja i Nongwainunu mōsa nkisu kya pasi.” Abagile bulebule undondo, unnini, unsitakumanya undumiana gwammigunda abagilemo siku ukubomba ikyo? Ilipyana lya Kyala! Ameni.

¹⁵⁹ O, yo ywani isakwisa nu kubuka? Sosyapo, bika palubafu, ubusito bosa lilino. Komma ukupilikisyá ku mbepo insongi sila. Isaga, pilikisyá ku Lisyu lya Kyala, ISI SYO IKUTI U NTWA! “Basayigwa bo bene aba bikuya ni njala ni kyumilwa kuli ubugolofu, kabuno abene bisakwikutisigwaga.”

¹⁶⁰ Unko uswe twinamisyé imitu gyitu lilino akabalilo kako uswe tukwiputa na aba pa kigemo.

Mwe bapala bana, une ngulonda umwe ukukumbukila, ulubunju ulu, umwe muli apo ukulambalika palubafu ubusito. Umwe muli apa ukulambalika palubafu ubusito bulibosa nu butulwanongwa ubu bo nubupepe bukutupesya uswe. Pauli ãyobíle, mu Bahiburi, unto gwa 12.

*...bo tuketile ukuti uswe...tusyungutiligwe na fiyo
ilikulumba ilibingu lya baketi, unko uswe tulambalike
palubafu ubusito bulibosa, nu butulwanongwa...
nubupepe fiyo bukutupesya uswe...*

*Kangi fyo fiki nisakuyoba une ukongelelapo?
kabuno...akabalilo katisa mma...ukubabula isya
Gidiyoni,...isya Balaki, Baraki,...isya Samson,...
isya Yepta; isya Davidi...isya Samueli, kangi isya
basololi:*

*Babo ukwisila mu lwitiko balinkuponjola ifitangalala,
balinkubomba ubugolofu, balinkwambilila ulufingo,
balinkwimika akanwa ka ngalamu,*

*Balinkusimisyua ubugasi buwa moto, balinkubopa
ulwembe lwa lubo, ukufuma ku bonywa bã peligwe
ukuya bamaka, kangi balinkwiyula i...baponjoli...
undugu mu kubopa...*

*Kangi abakikulu balinkwambilila abafwe babo
basyusigwe ku bumi...*

*Kangi abangi balinkwambilila ulufundo, ulugilo
ulwabugasi kangi ukulupuligwa,...ukongelelapo,
ukukindapa pa iki, ukupinyigwa ni minyololo:*

*Kangi—kangi abangi aba bali ni ngelo...ulugilo...
ukulupuligwa...*

*...abene bosa bãkabíle inongwa inunu ukwisila mu
lwitiko,...*

*Kangi bosa aba, bo bambilile ukuyobeligwa kununu
ukwisila mu lwitiko, balinkusita kwambilila ulufingo:*

*Kyala ukuya ãpéle ikindu ikinunupo kuli uswe, ukuti
kisita uswe abene babagile ukusita kupeligwa ukuya
bapelelesye.*

*Panongwa iyi bo tukuketa uswe...tusyungutiligwe
ni likulumba fiyo ilibingu lya baketi, unko
uswe tulambalike palubafu ubusito bosa, kangi
ubutulwanongwa...bubo fiyo nubepepe bukutupesya
uswe, ukuti uswe tubagile ukubopa nu lwikasyo
ukubopa kuko kubikigwe pankyene pitu,*

*Tukuketa kwa Yeso u mwäti kangi ummalisya
gwa lwitiko lwito; yuyo panongwa ya busangalufu
ubu bwâbikigwe pankyeni pa mwene alinkukubilwa*

*ikipingika, alinkugila i soni, kangi...alinkwitu gasya
pasi ku kiboko ikitalusye kya kikota kya Kyala.*

¹⁶¹ Yeso, mu Ulwiputo Lwake, alinkuti, “Tata, une ngwikemesya Nimwene.” Yeso alinkuya gwakwikemesya, ku Kipanga. Umwene abagile ukwega unkasi, loli Umwene akâbômbile ikyo mma. Umwene alikuya nkemesigwe. Umwene aatile, “Bakemesyaga abene, Tata, ukwisila mu Bwanaloli. Ilisyu Lyako lyo Bwanaloli.”

¹⁶² Lilino unko uswe tulambalike palubafu ubusito bulibosa. Ugwe uli nu bugasi? Ugwe uli nakyo ikindukimo ukusyungutila ugwe, kikukupela ugwe ukuyoba akabalilo kako ugwe utikulondigwa ukuyoba mma? O Kyala! Lambalika ikyene pala lilino. Lambalika ikyene pala, ketesy u Moto gwa kigemo gukusuluka nu kukyega ikyene ukusosyapo. Ketesya u lugano lwa Kyala ukumyanda ikyene mosa. Ketesya bosa bula ubwaiyolo ubwimi, mumo ugwe gwayobelaga ku nkasiso, mumo ugwe gwayobelaga ku ndumego, mumo ugwe gwayobelaga ku mpalamani gwako, mumo ugwe uyobile isya bandu nkipanga, lambalika ikyene pa kigemo ulubunju ulu, kangi u Moto gwa Kyala gwisakusuluka pasi nukwega ikyene palapala ukusosyapo, kangi ulugano Lwamwakyala lwisakokya mbuyo bwake.

¹⁶³ Ugwe uli mbine? Bika ikyene pa kigemo, yoba, “Ntwa, apa ikyene kilipo. Pela mwa une u mbepo umwifyusi. Pela mwa une amaka galubumbulusyo.” Keta iki Kyala ikubombaga. Kyala ikubombaga iki ulubunju ulu.

¹⁶⁴ Gwitu Gwakumwanya Tata, uswe tukwinama mu Kuyapo Kwako, mbuyo bwa aba bali ku kigemo. Unko ipyana Lyako liyega pa aligwesa yumo gwa bene, Tata. Lilino bo abene... Ntwa, une ngabagile ukubabombela ikyene abene. Abene bikufimbulisigwa ukubomba ikyene pabene. Nayumo u mundu abagile ukubabombela ikyene abene. Abene bikufimbulisigwa ukubomba ikyene pabene. Unko imyoyo gyabo lilino giyoba mu gyene, “O Kyala, ubugasi ubu, une ngulambalika ubwene pasi apa, Ntwa. Une ndisakupimbamo siku ubwene. Kali kyo fiki iki kikwisa pamo kikubuka, une nisakubuleka ubwene bubukege, ukufuma mwisyugu ukubuka nkyeni. Ululimi ulu ulwangu ulu lwali lugepe ukwega ulubafu ni kilundiko kya luheho, Ntwa, une ngulambalika ulwene pasi apa. Une ndisakulupimbamo siku ulwene kangi. Kemesya ululimi lwanga, Ntwa. Unko une nipilike a Bandumi bikwisa ukukilania, ngati Yesa âbômbile akabalilo kako umwene ayobile, ‘Une ndi gwa milomo imifite. Aheli kwa une!’” Kangi u Gwandumi ikwisa, alinkupimba ifikoka, kangi alinkubuka ku kigemo nukwakwega ifimomosela fya Moto, nukufibika ikyene pa milomo gyake nukunkemesya umwene. Kyala, kemesya unjobi aligwesa, ulubunju ulu, uyu ikuyoba mbusobi kangi ikubyala ulufuluganio. Paga ikyene, Ntwa.

¹⁶⁵ Imbungo syosa isi sineme apa mu kiyumba iki, abandu ba mbungo, tumenye ukuti igyene gyo misyetano, gyope. Kyala, ukuya mbombi Gwako, une ngukemela ifyene, mu Ngamu ya Yeso. Ifyene filisokaga panja pa aligwesa u mundu umbine. Kangi ngulamba u mundu unsitakusukigwa aligwesa, uyu ali na minogono amasitakusukigwa, mbwapufu, ikinyonywo, abanyambala na bakikulu, bosa bafwene, egaga ikyene ukufuma mu bene. Bosa aba apa bikugela ukusosyapo ingambo, na fyakunwa fyakugalisywa, ni sekelo innini, ni findu ifyabwimi; Kyala, nyenyemusyaga indumbula syabo na Mbepo Mwikemo mu njila yimo iyi ifindu fila fitisakuya ni kinyonywo kilikyosa kangi mma. Ikyene kitisakuya ni fwasi; umwe mwisisigwe fiyo na Mbepo Mwikemo, ukufuma pala ukubuka nkyeni.

¹⁶⁶ Kyala, pela akapanga akanini aka ukuya lusingi lwakwaka. Pela akene buyo bwa Mbepo Mwikemo, pela akene Moto gwakwaka, ukuti ikisu kibagile ukusyumbutukila ku lubafu ukuketa u lwimiko lwa Kyala. Kyala, andaga na aka akabugutila kanini ka bandu aka bibili ba mia apa ulubunju ulu. Tupaga ikyene, Ntwa.

¹⁶⁷ Pelelesya indumbula yiliyosa, aligwesa gwa Methodisti, aligwesa gwa Baptisti, aligwesa gwa Katolika, aligwesa gwa Presbeteri, aligwesa gwa Pentekosti. Gwe Ntwa, sosyamo ikyene mu ndumbula syabo, kangi bitikisyaga abene bisenge kwa Ugwe umwisyugu. Tupaga ikyene, Tata. Une ngubatwala abene kwa Ugwe, kangi ngubabika abene kwa Ugwe, mu Ngamu ya Yeso Kristi, ku busukigwe bwa myoyo gyabo nu lubumbulusyo lwa mbili gwabo. Ameni.

¹⁶⁸ Une nguswigwa, ku kigemo, ngimba ugwe ulekile unsigo gwako? Ngimba ugwe kwipilika ngati uwene gulambalele pala? Linga ugwe kwipilika uwene gulambalele pala, ugwe yaga ndongi. Ugwe gwe yuyo uyu ikwiputa. Une mbombole u kulumbilila. Ugwe kubomba u kwiputa. Ngimba unsigo gwako gulekigwa pala, nkundwe, kalumbu? Ngimba ugwe nalolololi ubagile ukuguleka uwene pala? Linga ugwe ubagile ukufuyusa ikiboko kyako, yoba, “Ena, Kyala lilino une ngukileka ikyene apa. Ubukindane bwangu, une nisakubuleka ubwene apa ku kigemo.” Bule ifya ikyene, pasi pa bumalikisywa bwa kigemo apa, ku kililo kyangu, nkikulu? Ngimba ugwe ubagile ukukileka ikyene pala? Ngimba ugwe ubagile ukuguleka u nsigo ugwayi yolo gula ulambalele pala? Yoba, “Ena, ulwitiko lwangu lukuketa kwa Ugwe, Ugwe Kang’osi gwa Kalivari.” Akabalilo kako uswe twesa tukwimba ulwene palikimo lilino.

Ulwitiko lwangu lukuketa kwa Ugwe,
Ugwe Kang’osi gwa Kalivari,
O Mpoki Gwamwakyala;
Lilino mbilika une bo ngwiputa,
Sosyamo ubwitobesye bwangu bosa,
O nyitikisa une ukufuma ilisiku ili

Njege gwesa Gwako!

¹⁶⁹ Unko uswe twime pa malundi gitu, naloli baluyindiko, aligwesa. Lilino pilikisyा kifuki, aligwesa lilino. Komma nayumo ukusokapo. Itolo... Ububombeli bukamalika mma. Une ngulonda umwe ukuya nabo ubwikemo ubunini ubu, ubusisya ubunini.

Bo ngwenda nguto inditu iya bumi,
 Kangi ubusulumanie ukusyungutila une
 bukubaala,
 Yaga Ugwe Ndongosi gwangu;
 Kagaga ingisi yiyege pamusi,
 Fyula amasosi ga busulumanie,
 Kangi unko une ukufuma ilisiku ili
 Njege gwesa Gwako!

Komma ukwimba ulwene ku mpalamani gwako lilino. Igala ifisige fyinu, kangi unko uswe twimbe ulwene polepole, bo uswe tukufyusya amaboko gitu kwa Kyala.

Bo ngwenda nguto inditu iya bumi,
 Kangi ubusulumanie ukusyungutila une
 bukubaala,
 Yaga Ugwe Ndongosi gwangu;
 Kagaga ingisi yiyege pamusi,
 Fyula amasosi ga busulumanie,
 Pamo ukundeka une nsobege
 Ukufuma kwa Ugwe ndubafu.

Une ndinayo u Tata kula kwisilya,
 Une ndinayo u Tata kula kwisilya,
 Une ndinayo u Tata kula kwisilya,
 Pa Kiloboko ikinci.

O, ilisiku limo ilimulike une ngubukaga
 nukwakumbona Umwene,
 Ilisiku limo ilimulike une ngubukaga
 nukwakumbona Umwene,
 Ilisiku limo ilimulike une ngubukaga
 nukwakumbona Umwene,
 Pa Kiloboko ikinci.

O, ilisiku ulimulike lila libagile ukuya kilabo,
 Ilisiku ulimulike lila libagile ukuya kilabo,
 Ilisiku ulimulike lila libagile ukuya kilabo,
 Pa Kiloboko ikinci.

¹⁷⁰ Une nguswiga lilino, balinga bali na tata mu Kisumu ikinci? Unko uswe tukete ikiboko kyako. Balinga bali nagwe mama mu Kisumu ikinci? Unko uswe tukete ikiboko kyako. Balinga bali nagwe u Mpoki mu Kisumu ikingu? Unko uswe tukete ikiboko kyako.

Ngimba lula lutisakuyaga lukomano
 Iwabusangaluke!
 Ngimba lula lutisakuyaga lukomano
 Iwabusangaluke!
 Ngimba lula lutisakuyaga lukomano
 Iwabusangaluke!
 Pa ikingi . . .

¹⁷¹ Une ngulonda ugwe ubombe ikindukimo. Lilino akabalilo kako uswe tukwimba lula kangi, une ngulonda umwe ukuponania amaboko ginu nu munduyumo imile kifuki na umwe, kangi yoba, “Nkundwe, kalumbu, nyiputila une, ukuti une nisakwagana na ugwe mu Kisu ikingi.” Komma ukubomba ikyene pene papo ugwe kusanusya ikyene. Balinga bikulonda ukwagana yumo nu nnine? Balinga bikulonda ukwagana na aligwesa apa, kwisilya Kula? Uswe, naloli tukulonda uswe. Lilino unko uswe itolo tuponanie amaboko ga yumo nu nnine, kangi yoba, “Une ngulonda ukwakwagana na ugwe, nkundwe. Une ngulonda ukukwagana ugwe pa lubafu ulungi.” Lilino bo uswe tukwimba, “Une ndinayo u Mpoki ukufyuka kula.” Umma ndaga.

Une ndinagwe u Mpoki kwisilya kula,
 Une ndinagwe u Mpoki kwisilya kula,
 Une ndinagwe u Mpoki kwisilya kula,
 Pa Kiloboko ikingi.

O, ilisiku limo ilimulike une ngubukaga
 nukwakumbona Umwene,
 Ilisiku limo ilimulike une ngubukaga
 nukwakumbona Umwene,
 Ilisiku limo ilimulike une ngubukaga
 nukwakumbona Umwene,
 Pa Kiloboko ikingi.

¹⁷² Ngimba ikyo kitikukupela ugwe ukwipilika kanunu kangi kunyafu? (*Yesu, ngyunga une kifuki ni kipingika.*)

Yeso, ngyunga une kifuki . . .
 Yilipo i Nyibuko imbala,
 Nsitantengo ku bosa, ikisoko kya bupone,
 Yikusululuka ukufuma ku Nyibuko ya
 Kalivari.

Aligwesa fyusya ikiboko kyako lilino.

Nkipīngíka, nkipīngíka
 Luyege lwimiko lwangu bwila;
 Mpaka u moyo gwangu unyakiligwe
 gwisakwaga
 Ubutusyo pisilya pa kisoko.
 Nkipīngíka, nkipīngíka
 Luyege lwimiko lwangu bwila;

Mpaka u moyo gwangu unyakiligwe
gwisakwaga
Ubutusyo pisilya pa kisoko.

Une nunganile Umwene, une mbaganile
Umwene
Panongwa yakuti Umwene alinganile une
Kangi âlyûlîle ubupoki bwângu
Pa Kalivari.

Lutufyo kwa Kyala!

¹⁷³ Unko uswe nikimyemye lilino itolo twinamisyé imitu gyitu. Kangi mu njila yitu twibene inganigwa, unku uswe itolo tuntufye Umwene na maboko gitu mmwanya, tukuyoba, “Ndaga Ugwe, Ntwa, panongwa ya kupoka umoyo gwangu. Ndaga Ugwe, Ntwa, panongwa ya kumbela njege kanunu. Ndaga Ugwe, Ntwa, panongwa ya fyosa Ugwe ubombile, ukutwala ulubango ulunyafu, ukutwala ubupoki bwaitolo. Ndaga Ugwe, Ntwa.”

Uswe tukukupa Ugwe ilikemo-lyakupalisyá ili. Uswe tukukutufya Ugwe panongwa yakuti Ugwe gwe gwalugano fiyo. Ugwe gwe Liluba lya Nkikoga, i Ndondwa ya Kulubunjú, i Likala lya Sharon, u Fyosa-mu Fyosa. Ugwe gwe Tata, u Mwanundumiana, u Mbepo Mwikemo; Umwene yuyo Äli, Uyu Ali, kangi Isa Kwisaga; u nkulumba Alfa, Omega. Ugwe gwe Nswigisye Yula, u Nsôka gwa Lutengano, u Nsisi kangi Kimela gwa Davidi. Ugwe gwe Fyosa! Kangi uswe tukupalisyá Ugwe, Ntwa, panongwa ya fyosa ifi Ugwe ubombile. Uswe tukupalisyá Ugwe panongwa ya Lisyu Lyako, namanga Ilyene lyo Lumuli ku kayila kitu. O, uswe tukwiputa, Ntwa, ukuti Ugwe gwisa kutwikisyaga ukwenda mu Lumuli. Tupaga ikyene, Tata. Mu Ngamu ya Yeso Kristi. Ameni.

Umma ndaga. Akabalilo kako uswe tuyege bakwitugasya i miniti. (*Uswe twisakwenda mu Bwelu.*)

Uswe twisakwenda mu Lumuli, lo Lumuli
ulumogi fiyo,
Isaga kuko i ndungwa-ndonyelo sya kisa
sikumulika;
Mulika mosa ukusyungutila uswe pamusi na
pa kilo,
Yeso, u Lumuli lwa . . .

¹⁷⁴ Twendege, bikemo, unko uswe twimbe ulwene lilino!

Uswe twisakwenda mu Lumuli, (ubupelelesye,
ubwikemo), lo Lumuli ulumogi fiyo,
Isaga kuko i ndungwa-ndonyelo sya kisa
sikumulika;
Mulika mosa ukusyungutila uswe pamusi na
pa kilo,
Yeso, Lumuli lwa kisu.

Isaga, mlata Umwene ukuya Mwalafyale
gwako,
Yeso, Lumuli lwa kisu;
Polelo amabangala ga Kumwanya gisakukuba,
Yeso, u Lumuli lwa kisu.

Aligwesa!

Uswe twisakwenda mu Lumuli (u Lumuli
ulumogi ku kayila kangu), lo Lumuli
ulumogi,
Isaga kuko i ndungwa-ndonyelo sya kisa
sikumulika;
Mulika mosa ukusyungutila uswe pamusi na
pa kilo,
Yeso, u Lumuli lwa kisu.

¹⁷⁵ Ngimba ikyene kitikubapela umwe ukwipilika kanunu? Balinga bakwipilika kanunu? Itolo fyusya ikiboko mmwanya lilino, yoba, “Une ngwipilika naloli kanunu.” Mbepo Mwikemo mosa ukubagusa umwe losa. Polelo uswe twissa (fiki?) kwenda mu Lumuli. Komma ukupilikisya ku kalikosa... Ngimba u Lumuli lo fiki? “Ilisyu Lyako lyo Nyale.” Popapo polelo:

Uswe tukwendaga mu’Lumuli ulu, ulwene lo
Lumuli ulumoge,
Isaga kuko i ndungwa-ndonyelo sya kisa
sikumulika;
Mulika mosa ukusyungutila uswe pamusi na
pa kilo,
Yeso, u Lumuli lwa...

¹⁷⁶ Lilino, ngimba ikyo kikaya kyakuswigisya? Kikuboneka ngati uswe itolo tukabagila ukwigala. U Mbepo Mwikemo itolo ikutukamanda uswe! Ngimba umwe mutikwipilika mu njila iyo? Itolo kukwipilika ngati...?... Itolo kukwipilika ngati ikyene kyo itolo kikusoka panja.

...Nongwainunu yikusululuka ni lilopa
Ililopa lya bafundigwa aba bāfwilíle u
Bwanaloli,
Iyi i Nongwainunu ya Mbepo Mwikemo
yikusululuka ni lilopa.
Ugwakwanda pakufwila ulubatiko lwa Mbepo
Mwikemo ulu,
Āli Yohani u Mōsi, lōli umwene āfwíle bo
mündu;
Polelo ālisíle u Ntwa Yeso, abēne bālinkomile
Umwene,
Umwene ālūmbilíle ukuti u Mbepo
ikubapokaga abāndu ku mbībi.
Alipo u Peteri na Pauli, na Yohani unnyakyala,

Abēne bāpéle imyūmi gyābo ukuti i
 Nongwainunu iyi yabagile ukumulika;
 Abēne bafulugénie ililopa lyābo, bo basololi
 baiyolo,
 Ukuti i Lisyu lyā Kyāla ilyabwanaloli lyābagile
 nubwanaloli ukuyobigwa.

Polelo balinkuntunya Stefani, umwene
 ālumbilile ukulwana nu butulwanongwa,
 Umwene āapelile abene ukukalala fiyo, abene
 balinkutikila untu gwake nkati;
 Loli umwene aafwile mu Mbepo, umwene
 apele u mbepo,
 Kangi alinkubuka ukulungisania na bangi,
 ubwenekaya bula ubwakupa-ubumi.

Iyene yikumilisyā ukusululuka ni lilopa, ena,
 iyene yikusululuka ni lilopa,
 Inongwainunu ya Mbepo Mwikemo iyi
 yikusulula ni lilopa,
 Ililopa lyā bafundigwa aba bāfwilile u
 Bwanaloli,
 Inongwainunu ya Mbepo Mwikemo iyi
 yikumilisyā ukusulula ni lilopa.

Pilikisya!

Gilipo imyoyo pasi pa kigemo, igyene gikulila,
 “Mpaka ndili?”
 Ukuti u Ntwa afunde bala aba babombile
 ubusobi;
 Loli bisakuyangapo abakongelelapo babo
 bisakupa ililopa lyabo ilyabumi
 Kuli iyi Nongwainunu ya Mbepo Mwikemo nu
 mogesyo gwake unkesefu.

Itolo yikumilisyā ukusululuka ni lilopa,
 (Haleluya!) iyene yo yikusululuka ni lilopa,

Une ngulonda ukuya yumo gwa bene.

. . . Nongwainunu ya Mbepo Mwikemo, iyene
 yo yikusululuka ni lilopa,
 Ililopa lyā bafundigwa aba bāfwilile u
 Bwanaloli,
 Inongwainunu ya Mbepo Mwikemo iyi
 yikumilisyā ukusulula ni lilopa.

¹⁷⁷ Une ngulonda ukubuka itolo ukufuma ku kigemo. Ameni. O, bo bunyafu buki! Bakundwe bangu balinkupa ililopa lyabo ilyabumi. Bisakuyangapo abakongelelapo bisakubomba ikindu kilakila. Komma ukupasya. Ikyene kikwisa pasi ukuya kibonekesyo naloli lululu. Ugwe lumo kwisa kubukaga mula pamo kubukaga panja. Abene bosa bo lilino bikwibanilila mu

Lwitikisanio lwa Fipanga, kangi bosa bakwingila nkati. Abene bosa bikwibungania palikimo.

Kangi bisakuyangapo abakongelelapo babo
bisakupa ililopa lyabo iyabumi

Kuli iyi Nongwainunu ya Mbepo Mwikemo nu
mogesyo gwake unkesefu.

Iyene yikusululuka ni lilopa, ena, iyene
yikusululuka . . . (O, haleluya!)

Inongwainunu ya Mbepo Mwikemo iyi
yikusulula ni lilopa,

Ililopa lya bafundigwa aba bāfwilíle u
Bwanaloli,

Inongwainunu ya Mbepo Mwikemo iyi
yikusulula ni lilopa.

¹⁷⁸ Mwe! Une ngwipilika ngati u Kunyakiligwa kuli itolo pamwanya pa kipanga. O, itolo kikupela une ukwipilika kanunu fiyo! Imbībi syosa pasi pa Lilopa. Muketile, u Mbepo Mwikemo iganile i Lisyu. I Lisyu lyo iki u Mbepo Mwikemo ikwiswilapo, umwe muketile. O, mwe! Ikyene kikusuluka pasi nukufika pakati pa bandu, ikusuka imbībi syabo, ikusosyapo ububine bwābo, ikusosyapo ubusulumanie bwabo. Lilino une ne ndi ngale, itolo ngale mumo une mbagile ukuyila, ndi ngale pa Mbepo, u lugano lukusōka ukufuma mu ndumbula yangu. Kali kyo fiki aligwesa abombilemo siku, ikyene kihobokeligwe. Undugu umbībi-fiyo, ikyene kyo kyosa kimalike. Aligwesa ayobilemo siku, pamo ayobile kalikosa, linga une . . . mulimosa, une . . . iki kyo kyosa kibukile, kyosa kisukigwe lilino.

Kangi iyene yikusululuka ni lilopa, ena, iyene
yikusululuka ni lilopa,

Inongwainunu ya Mbepo Mwikemo iyi
yikusulula ni lilopa,

Ililopa lya bafundigwa aba bāfwilíle u
Bwanaloli,

Nongwainunu iyi ya Mbepo Mwikemo . . .

O, mwe! Mumo kiyilile kanunu!

Ko kabalilo kanunu kaki kuli une,

Ko kabalilo kanunu kaki kuli ugwe;

Linga uswe twesa twitendekisyé ukwagana na
Yeso u Mwalafyale gwitu,

Ko kabalilo kanunu nki kisakuyaga.

Ko kabalilo kanunu kaki kuli une,

Akabalilo kanunu kaki kuli ugwe;

Linga uswe twesa twitendekisyé ukwagana na
Yeso u Mwalafyale gwitu,

Ko kabalilo kanunu nki kisakuyaga.

Umwe muluganile ulo? Aligwesa, isaga kuno!

O, ko kabalilo kanunu kaki kuli ugwe,
 Akabalilo kanunu kaki kuli une;
 Linga uswe twesa twitendekisyé ukwagana na
 Yeso u Mwalafyale gwitu,
 Ko kabalilo kanunu nki kisakuyaga.

¹⁷⁹ Une itolo ngwipilka ngati lusasanio lwaiyolo-nkabombelo mu kipanga. Bule umwe? Itolo ukwaiyolo ukusuka mosa, ukugusa mosa; kinunu, ukwaiyolo akabalilo akanunu. Ngimba ugwe utikwipilika kanunu? O!

Une nguntufyaga Umwene, Une nguntufyaga
 Umwene,
 Ntufye Kang'osi nongwa ya bonangi abutigwe;

Unko twimbe lilino, aligwesa. Umwe mumenye ulwene? Une ndumenye ulwene. Isaga apa; ugwe ndula une ukulongosya ulwene, Nkundwe Neville. Kangi mwesa ba umwe, palikimo lilino, itolo fyusa amaboko ginu mmwanya, imba ulwene na, lilino, lilino, linga umwe mubagile.

Ntufye Kang'osi nongwa ya bonangi abutigwe;
 Mpe Umwene ulwimiko, mwe bandu mwesa,
 Kabuno i Lilopa Lyake lisukile ikibabye
 kilikyosa.

¹⁸⁰ Lilino, aligwesa twendege!

Une nguntufyaga Umwene, Une nguntufyaga
 Umwene,
 Ntufye Kang'osi nongwa ya bonangi abutigwe;
 Mpe Umwene ulwimiko, mwe bandu mwesa,
 Kabuno i Lilopa Lyake lisukile ikibabye
 kilikyosa.

Ameni. Ubo bunyafu?

. . . Akamabwe-mapala akelu Akaya,
 Une ndi ni nyuma, ilipango, ni ngiga;
 Lilino une ngugulila, nguketesya nukwipputa,
 Kuli a Kaya akelu Yohani akabwene
 kakusuluka pasi.

¹⁸¹ Ameni. Kinyafu! O! Lilino unko uswe twime pa malundi gitu, aligwesa. Une ngusubila umwe mukwipilika kanunu. Kumbukilaga imbombelo ikilo iki. Lilino uswe tukulonda ukwimba ulwitu ulununu ulwaiyolo ulwimbo lwakusatila.

Pa Ngamu ya Yesu tukwinama,
 Tukugwa bulambalale pa malundi Gake,
 Mwalafyale gwa banyafyale ku Mwanya
 bisamfwika ingiga Umwene,
 Akabalilo kako ubulendo bwitu bumalike.

Umma ndaga. Aligwesa lilino, palikimo. Umma ndaga.

Pa Ngamu ya Yesu tukwinama,

Tukugwa bulambalale pa malundi Gake,
 Mwalafyale gwa banyafyale ku Mwanya
 bisamfwika ingiga Umwene,
 Akabalilo kako ubulendo bwitu bumalike.

Mbala i Ngamu, (Mbala i Ngamu!) O bo
 bunyafu nki! (O bo bunyafu nki!)
 Lusubilo lwa kisu kangi buhobofu bwa
 Kumwanya;

Mbala i Ngamu, (Mbala i Ngamu!) O bo
 bunyafu nki! (O bo bunyafu nki!)
 Lusubilo lwa kisu kangi buhofu bwa
 Kumwanya.

¹⁸² Lo lubunju ulunyafu nki! Ko kabalilo kanyafu nki! Unko uswe twinamisyé imitu gyitu lilino itolo ku kabalilo. Aligwesa keta kulakula ukutalula kwa Kristi lilino, u Mpoki gwinu. Mu njila yakimyemye, une ngulonda umwe ukumpa Umwene imbalisyo nu lutufyo. Yoba, “Ntwa, une fiyo ngukupálisyá Ugwe panongwa ya kukemesya umoyo gwangu. Une fiyo ngukupálisyá Ugwe kuli kyosa iki Ugwe ubombile kuli une. Unko u Mbepo Gwako ayege pa une ukwisila mu lisiku, Ntwa. Ndongolela une. Ndalusya une. Nsaya une.” Kyala apege ulusayo lula kwa ugwe, lo lwiputo lwangu.

Lilino bo uswe tukwinama imitu gyitu, Nkundwe Neville, ugwe uli tusatisya uswe mu lisyu lya lwiputo. 

55-0724 Imbepo Insongi
Kitembe Kya Branham
Jeffersonville, Indiana U.S.A.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimini, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbige ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org